

فاهم 32 | المعاملات البنكية في ميزان الشرع | مع الشيخ/أحمد

عبد السلام

أحمد العربي

البنك بيقول لك انا بافترض الفلوس دي انا واخدتها قرض. وبيدي عليها زيادة. اه. والقانون بيقول كده. واحنا نوصفها. ونيجي نقول له انت انت حد جميل انت ليه بتقول على نفسك - [00:00:01](#)

انت مش عارف انت مش مفترض ولا حاجة انت مستسلم واخد بالك يعني يعني انا معلش بقى ايه الحلة دي احنا عايزين اقرأها كده
لان احنا عندنا كلمة وديعة في الفقه الاسلامي معناها امانة. فانا لما اودع عندك شيء امانة لا يحل لك استعماله. هل الوديعة في البنوك
انا - [00:00:13](#)

بقول وديعة بحط الفلوس بقول وديعة هل هي بمعنى الوديعة الاسلامية؟ ان دي امانة عندك يا بنك لا يحل لك ان تنتفع بها او
تستعملها لا البنك بيأخذها يعمل بها اللي هو عايزه - [00:00:33](#)

فالقانون قال له خلي بالك هي اسمها وديعة لكن هي في حقيقتها ايه؟ حاجة مختلفة. قرض. اه. واضح؟ هم كان في اه فضيحة في
بورصة لندن عبوات في مخزن في هولندا - [00:00:43](#)

المفترض العبوات دي فيها نيكيل العمال استغربوا من يعني حجمها او وزنها او صوت المعدن جواها ففتحوها فلقوا فيها حجارة تمام
العبوات دي العبوات دي اجري عليها تسع عقود. تمام؟ طبعا التسع عقود دي لا شافوا العبوات ولا ولا لا شافوها. ده دليل -
[00:00:55](#)

على ان الناس دي لا شافت عبوات ولا شافت نيكيل ولا اشتترت نيكيل ولا باعت نيكيل. الكلام كله على الورق فعملوا يعني شيكوا
على بقية المستودع وكده فلقوا آآاربعة وخمسين طن نيكيل مفقودين - [00:01:16](#)

دول برضو اجري عليهم عقود وهم مش موجودين اصلا. تمام؟ اربعة وخمسين طن طب دي اول مرة؟ لا مش اول مرة. الفين
وبسبعينات السالم عليكم. انا هلال السيد وده فاهم بوت كاست. اتكلمنا قبل كده في حلقات البوذكاست عن فلسفة الاسلام في التعامل
مع المال والمعاملات المالية. وفصلنا الكلام في - [00:01:29](#)

التمويل اللي اقرها الاسلام. في الحلقة دي حابين نركز الكلام اكتر عن المعاملات البنكية وتوصيفها في ضوء الشريعة الاسلامية. ضيفنا
في الحلقة دي هو احمد عبدالسلام متخصص في الفقه الشافعي وحاصل فيه على مجموعة من الاجازات مدرس مادة الفقه معهد
الامام النووي عنده اهتمام خاص بفقهه - [00:01:48](#)

المعاملات تقولوا فيه خبرة كبيرة جدا من خلال الدورات والفتاوی وغیرها. اتكلمنا عن مبادئ القرض ومبادئ الشراكة في الاسلام
وعرفنا البنوك التجارية وطريقة عملها بنص القانون مع تناول احكام الودائع والقروض والفوائد وتمويل السلع من خلال البنوك
التجارية ووضاحتنا - [00:02:08](#)

الفرق ما بين البنوك التجارية والبنوك الاسلامية. وناقشنا بعض الاشكاليات في اداء البنوك الاسلامية الحالية على ارض الواقع. وآخرنا
والنقطة اللي ناس كتير جدا هي كيفية التخلص من فوائد البنوك او اي اموال محرمة عموما حلقة غنية جدا مليانة فوائد ودلوقتني -
[00:02:28](#)

ياللا بنا نبدأ. انا علشان افهم اشكاليات البنوك والبنك ده مؤسسة مالية معاصرة. يعني ما كانش موجود بمعناه الحالي صورته الحالية

على عهد الانمة قدیماً آآ لكن كان موجود معاملات. معاملات مباحة آآ مشروعة ومعاملات محمرة - 00:02:48

احنا محتاجين نفهم الاول الاصول الشرعية المتشابكة في قضية البنوك وبعد كده نتكلم عن الصورة المعاصرة اللي هي البنوك وبالمتناسبة دي انا حابب بس ابدأ الموضوع. وده احنا هنقوله في ثناء الكلام ان شاء الله - 00:03:10

ان الخناقة او المشكلة بين يعني بتاعة البنوك مش دايرة ما بين آآ تيار وطياره او فصيل وفصيل زي ما البعض بيحب يصدر هايل مثلاً لاد السلفيين بيحرموا البنوك ومثلاً التيار الفلاني لا يحرموا او التيار كذا بيحرموا. الموضوع مش كده نهائي - 00:03:27

موضوع آآ مشكلة بحثية ومشكلة فقهية وآآ مسألة علمية وآآ علماء الاسلام آآ بيبحثوها متجردين عن اي آآ يعني ايه؟ آآ دوافع او خلفيات ممكن تكون فكرية او منهجية. المسألة مسألة علمية - 00:03:47

شرعية بحثة لو هنتكلم من البداية آآ آآ هنتكلم عن مسألة القرض مسلاً. مم لانها متشابكة جداً مع قضية البنوك ونتكلم عن مسألة الشركة القرض في الاسلام آآ له ثلات مبادئ رئيسية - 00:04:07

المبدأ الاول ان القرض الحلقة ممكن يكون فيها بعض المصطلحات لو لقيت فيه مصطلح كده تقيل او حاجة عدت انا ما شرحتهاش او ما ربنا يستر لكن ان شاء الله يعني سهلة بازن الله - 00:04:25

القرض آآ بيسمي الفقهاء عقد ارفاق عندنا في في المعاملات الاسلامية في عقود اسمها عقود تبرع وفي عقود اسمها عقود معاوضة. عهد معاوضة حاجة قصاد حاجة. حاجة قصاد حاجة. مم. في في عوض في الموضوع. مم. بعطيك مسلاً اه سلعة وبآخذ عوضاً عنها اه اه السمن - 00:04:37

مم بيقى البيع عقد معاوضة الایجار عقد معاوضة وفي حاجة اسمها عقود تبرع زي الهبة زي الوصية زي الصدقة. دي عقود تبرع. هم. انا اعطي ولا انتظر عوضاً. هم. تمام؟ هم. فالقرض في الاسلام المبدأ الاول ان - 00:05:03

انه عقد تبرع او عقد ارفاق يعني طرف بيرفق او بيرفق بطرف اخر فيتبرع له او بيعطيه عقد احسان عقود التبرعات لا ينتز فيها عوض في الدنيا. العوض فيها في الآخرة - 00:05:20

قرض اصيل في باب الایه يعني في باب التبرعات بعض الفقهاء يجعل القرض افضل من الصدقة يعني اه في اسار عن اه عن ابن مسعود مثلاً رضي الله عنه وارضاه بذلك - 00:05:57

افضل من الصدقة. افضل من الصدقة. من جهة ان القرض لا يأخذه الا من يحتاج اليه. مهم. وربما الصدقة تذهب لمن لا يحتاج. مم. واضح؟ ايوة. نتكلم عن القرض طبعاً اللي هو بدون بدون نفق. انا بتتكلم عن القرض الاسلامي القرض الاصلي. القرض اللي هو لوجه الله. ايوة. تمام؟ اللي احنا بنسميه قرض الحسن. مم. جيد؟ فانقرض - 00:06:12

اول حاجة اول ما ابدأ في الاسلام القرض عقد تبرع. مم لا يؤخذ عليه عوض في الدنيا. ده اول مبدأ. المبدأ الثاني آآ الجملة المشهورة المعروفة اللي هي كل قرض جر نفعاً مشروطاً فهو ربا - 00:06:32

عندنا حديث عن النبي صلى الله عليه وسلم بهزأ صلى الله عليه وسلم. اللفظ كل قرض جرى نفعاً فهو ربا لكنه حديث ضعيف. لكن الجملة نفسها والمبدأ والحكم متفق عليه بين علماء المسلمين - 00:06:52

بناء على ايه؟ بناء على على يعني استقراء بقية ادلة الشرع اه الكلمة دي بنصيبياً لم يرد فيها حديث صحيح لكن عندنا ادلة اخرى في الشريعة جاءت بذلك. والاجماع دليل - 00:07:05

مستقل الاجماع احد مصادر التشريع انا عندي القرآن السنة الاجماع القياس. القرآن والسنة متفق عليهما بين كل اهل القبلة. مم. واضح؟ صحيح. الا بقى بعض من انكر السنة آآ بالخصوص من طائفة القرآنيين ودي فيها فتوى من دار الافتاء والازهر ان هؤلاء خارج الملة اصلاً - 00:07:21

من ينكر السنة بالكلية يقول ما فيش حاجة اسمها سنة. هذا خارج فيبين اهل القبلة كلهم الاجماع القرآن والسنة متفق عليه ان هو مصدر من مصادر التشريع. المصدر الثالث الاجماع - 00:07:42

يعني احنا احنا هنفتح في الاجماع كده. لكن هو مهم. الاجماع الاجماع مصدر من اهم مصادر التشريع. لم يخالف فيه الا شذاذ يعني اول من قلب عدم حجية الاجماع رجل اسمه ابراهيم ابن سيار - 00:07:56

النظام آكان رأسا في الاعتزال وبعد ما يعني كتب في سيرته قال كان يظهر الاعتزال ويبطن الزندقة. هم وي يعني له كتاب في نصب التثليث على التوحيد يعني حتى ميتته يعني شرب خمرا وكان على سطح دار فوق - 00:08:11
فاندقت عنقه فعد. اول من قال بعدم حجية الاجماع. يعني واحد آ يعني هذا السلف من يقول ان ما فيش حاجة اسمها اجماع. مم. كوييس كده؟ كوييس. قال به بعض المعتزلة قال بهذا القول. بعض المعتزلة وآ - 00:08:34

آ الخوارج والرافضة واضح؟ هم. انما تجد امام من ائمة المسلمين المعتبرين او مذهب معتبر يقول ما فيش حاجة اسمها اجماع لا تجد ذلك الإجماع مصدر من مصادر التشريع ثم القياس الصحيح خلافا للظاهرية - 00:08:52

فانا عندي اجماعات متعددة على هذا المعنى يعني ابن المنذر رحمه الله يقول اجمعوا على ان المستسلف اذا اشترط على المستلف زيادة او هدية فهو ربا ابن عبدالبر له اه جملة اخرى مهمة جدا في هذا الباب هنحتاجها - 00:09:10

يقول ايه؟ يقول اجمع على ان من اقرض رجلا قرضا بين قوسين كده مهم جدا قال من اقرض رجلا قرضا ثوبا او غيره من ثوبا او غيره مش فلوس يعني مش فلوس ثوبا او غيره. ثم شرط عليه ان يردده بعد مدة ثوبين - 00:09:30

او ثوبا من جنسه وشينا اخر زائدا عليه انه ربا بالاجماع وابن قدامة وغيرهم يعني نقل الاجماع على هذه القضية فكل قرض جر نفعا مشرططا فهو ربا نفعا مش معناها زيادة - 00:09:53

اه مادية يعني مش لازم يكون الف بالف ومية مش لازم اشترط عليك ان انا هاديك الف وترجعهم لي الف ومية او الف وعشرة اللي هو اي منفعة. اي منفعة حتى لو كانت - 00:10:13

احنا عندنا حاجة اسمها آ في الاموال عندنا حاجة اسمها اعيان وعندنا حاجة اسمها منافع مم فالسيارة عين سميتها فقاء عين. مم. ومنفعة السيارة الركوب. بعمل بايه؟ بالعربية بركبها. البيت عين. رقبتي بيسموها رقبة البيت او عين البيت. اللي هي الحوائط السقف - 00:10:26

منفعة البيت السكنة. مم. مش كده؟ طيب آ مثلا روي عن ابن مسعود رضي الله عنه وارضاه انه سئل عن رجل اقرض رجلا خمسمائة درهم وشرط عليه ظهر فرسه. يعني انا هاديك خمسميit درهم - 00:10:44

بس هاخد الحصان بتاعك اركبه شوية او اركبوا بعض يعني في في بعض المشاوير او اياما او مثل ذلك. فقال ابن مسعود ما اصاب من ظهره فهو ربه مم خلي بالك ده ادي له خمسمية وهي اخدتهم خمسمية. بجد منفعة تانية خالص. منفعة تانية خالص. مم. ادي له خمسمية وهي اخدتهم خمسمية بس انا هاخدتهم خمسمية وهركب الحزام بتاعك - 00:11:01

مم خالص؟ مم. الامام آ القرطبي نقل الاجماع ايضا على ان كل زيادة آ مشروطة على على القرض آ ربا. قال ولو كان آ قبضة شعير ولو كان حبة واحدة - 00:11:24

واضح؟ مم. فده اجماع مستقر طالما مشروط طالما مشروط او اه جرى به العرف عندنا قاعدة تقول المعروف عرفا كالمشروط شرطا. مم مثال من واقع الناس آ في بعض - 00:11:41

في بعض المهن وبعض التجارات آ بيكون في حاجة اسمها بلغة السوء كده المعلم كوييس يعني ايه المعلم ده؟ يعني الراجل التجار بتاع الوكالة مسلا وكالة الخضار او الفاكهة او الراجل اللي في حلقة السمك - 00:12:00

عند وكالة في حلقة السمك الراجل ده عنده مال الراجل رأس مالي عنده فلوس. وفيه المزارع او فيه الراجل الصياد اللي بيطلع على المركب بتاعته المزارع ممك يحتاج فلوس علشان يزرع - 00:12:18

صاحب المركب ممك يحتاج فلوس علشان يجدد آ ويصين المركب بتاعته فيروح للمعلم او التاجر ويطلب منه قرض. طيب

هيدى له القرض عشان يزرع ومعروف مشتهر وهزا عرف سائد ان انت لو خدت قرض او فلوس من من صاحب الوكالة الفلانية -

00:12:33

انك لازم هتنزل الشمر بتاعك او الزرع بتاعك او المحصول بتاعك عنده هو اللي يتولى بيعه ويأخذ نسبته مم ده معروف واضح؟ ايه.

ومش لازم يشترط عليك ذلك. ولا لازم يكون مم. واضح؟ لدرجة ان انت لو خالفت ورحت نزلت - 00:12:57

المحصول بتاعك عند حد تانى. ورجعت له الفلوس بتاعته كما هي. لأن ده هيعدك في قعدة وهيغيرمك وهيدفعك مم فمثل هذا ايضا

ربا وقديما يعني تكلمت مع الشيخ علي السالوس رحمة الله عليه في هذه القضية. رحمة الله عليه. والشيخ جزار الله خير يعني وكان

فيه خلاف بيبني وبين بعض الاخوة - 00:13:17

وان هذه ليست ربا هم يقولون ليست ربا وانا اقول ده نفع ظاهر والمعروف عرفا كان مشروط شرطا حتى لو لم يشترطه ده شيء

متعارف عليه. فالشيخ افتى آآ باهه ربا واقر آآ الكلام باه هو ربا يعني. هم - 00:13:36

هنا الزيادة منفعة مش اه زيادة على اصل المبلغ. مم. ولا زيادة مادية. ايه. طيب يبقى كل قرض جر نفعا مشروطا فهو ربا. المبدأ

الثالث مبدأ جميل من جماليات الشريعة ان النبي صلى الله عليه وسلم قال صلى الله عليه وسلم ان خياركم احسنكم - 00:13:51

اه اه قضاء تمام؟ مم. بمعنى انه اذا كان النفع او الزيادة المشترطة على اصل القرض ربا فالاسلام لا يمنع المقترض ان هو يحسن الى

المقرض من تلقاء نفسه كما احسن اليه المقرض واعطاه المال - 00:14:09

اذا كان بدون شرط وبدون عرف سائد فلا بأس ولا حرج. والنبي صلى الله عليه وسلم قال ان خياركم احسنكم قضاء. وآآ وآآ استسلف

النبي صلى الله عليه وسلم ناقة من رجل ولما آآ جاءته ابل - 00:14:31

الصدقة امر بردتها اليه من نفس السن. فقالوا لا نجد الا سنا خيرا منها. فقال آآ اعطوه سنا خيرا منها ان خياركم احسنكم قضاء يبقى

دي تلت مبادئ في الطرد - 00:14:44

اه القرض عقد تبرع ما ينفعش ياخذ عليه عوض في الدنيا لا يجوز اشتراك زيادة على اصل القرض يجوز للمقترض بلا شرط مسبق

وبلا عرف يلزمبه بذلك ان يحسن الى المقرض كما - 00:14:57

احسن اليه المقرض دي دي اهم مبادئ في القرض. اهم مبادئ في الشراكة. مم اول شيء الشريك الشريك متضامن في الربح والخسارة

يعني الشريك بيدخل في عقد الشراكة متضامن مع شريكه بمعنى - 00:15:12

انه يربح اذا وجد ربح ويتحمل في الخسارة اذا كان هناك خسارة ولا يربح ولا يخسر اذا كانت ايه؟ لا هناك خسارة ولا هناك ربح

الشريك آآ رجل متضامن ده المبدأ اه الاولاني. المبدأ الثاني انه لا ضمان الا بتفريط. اذا قلنا الشريك متضامن فلا ضمان الا بتفريط. في

بعض صور الشراكة - 00:15:33

الشركاء كلهم بيعملوا مم. وفي بعضها شريك واحد يعمل او بعض الشركاء يعمل والبعض لا يعمل. هؤلاء الذين يعملون لا يضمنون الا

اذا حصل تفريط. يعني ايه تفريط؟ يعني ايه - 00:15:59

لا ضمان الا بالتفريط ببساطة. الشريك خد الفلوس عشان يتاجر اشتري بالطريقة المتفق عليها وراعي اصول التجارة واحتاط لاموال

الناس واشتري بضاعة مطلوبة وتاجر فيها وباع بما هو متفق عليه وبعدين حصل نتيجة تقلبات خارجة عن ارادته في السوق حصل

ركود. مم. فحصل خسارة لا يضمن - 00:16:11

هذه الخسارة. مم. لأن يعني الغرم الغرم بالغرم. كل تاجر معرض للخسارة كما انه يرجو المكسب. صحيح. ما فيش تجارة تخلو من

كوييس؟ الرجل حاطط الاموال بتاعة التجارة في مكان معذ لذلك ومؤمن. وبعدين جاء اللص ليلا وسرقها. لا يضمن - 00:16:38

طالما اخذ كل الاسباب طالما خد اسباب الاحتياط وكل شيء. تمام؟ هم. الشركاء قالوا له والله ما تبعش بالاجل عشان الاجل هيضيع

الفلوس. فهو راح باع بالاجل مم. فالناس اللي اشتترت بالاجل ما سدتشر. يضمن. ليه؟ لأن فيه تفريط وقصير هنا وتعدي. مم. واضح؟

مم. يبقى الشريك متى يضمن؟ ازا قلنا الشريك متضامن - 00:16:58

متى يضمن اذا فرط وقصر نرجع للقرض المقترض يضمن اصل القرض بغض النزء عن التفريط او عدم التفريط. حضرتك اقترضت

مني آآ جنيه الجنية ده انتفعت به آآ صرفته تاجرت به ضاع منك اتسرق منك في النهاية مضمون. مم. يعني انا مش موضوعي. ايوة -

00:17:21

الربح في الشراكة - 00:17:46

يكون نسبة ربح كل شريك كل طرف يكون نسبة من الربح الحاصل وليس نسبة من رأس مال كل شريك بمعنى حضرتك داخل معنى تجارة او شراكة رأس مالها مائة الف - 00:18:08

او رأس مالها متنان متنى الف. مم. انت ميت الف وانا ميت الف يبقى راس مال التجارة بتعاتننا متنين الف حضرتك لك نصهم وانا نصهم. تمام؟ تمام. احنا الاثنين بتعمل - 00:18:29

يبقى احنا متساوين في العمل او مشتركين في العمل ومتساوين في رأس المال. الربح اللي هييجي هيتقسم بينا وبين نصه طيب
انا بعمل فقط وحضرتك لا تعمل فانا هاخد اه نص الربح نزير ان انا لى نص المال - 00:18:43

نص الرقصين مال وهاد جزء زائد على ذلك نزير ان انا بعمل وحضرتك لا تعمل جائز؟ نعم جائز. هم صحيح من اقوال العلماء
حضرتك هتاخد كم؟ هتاخد المتبقي من ذلك من نسبة من الربح. بمعنى ايه؟ انت لك مئة الف - 00:19:00

وانا لي مية الف انا هاقول لك والله الميت الف دول هيدخلوا في التجارة بتعاتنا انت كده لك نص راس المال انا هاخد منهم النص
نص ربيهم يعني. هم. لأن انا بعمل وانت لأ - 00:19:17

وانت هتاخد الباقي. دخلنا في صفقة. الصفقة دي ربحت عشرة انا لي خمسة وفي خمسة للشريك الالآخر هيتقسموا تاني لأن انا بعمل وانت لا تعمل ربحت عشرين عن عشرة. والعشرة الثانية هتقسم - 00:19:31

وهكذا. مم. تمام؟ مم. ربحت واحد يبقى انا لي نص النص الثاني ربع وربع وهكذا انما ما ينفعش اقول لك انا هاخد منك فلوس اشغلها وادي لك عشرة في المية من رأس المال - 00:19:47

لحاد الشريكين ان يشترط لنفسه - 00:20:02

هي هي عشرة في المية من الميت الف اللي انت اديتهم لي - 00:20:16

لآن هي في النهاية في مبلغ ثابت يبقى مبلغ ثابت. مم. تمام؟ مم. بالمناسبة هنا موضوع بقى ان العائد يبقى ثابت او متغير ده ما لوش علاقة بالتحريم والتحليل كما سيرأطي يعني ايه تقصد؟ يعني ايه؟ يعني في ناس تقول لك طالما العائد سابت يبقى حرام لو العائد

متغير مش حرام. مم. لا ده كلام ما لوش اي علاقة بالتحرير والتحليل. ده خطأ شائع - 00:20:34
مم يعني العائد المتغير ده هو البنوك بتحسبه بناء على آآالارياح اللي طلعت السنة دي مسلا الريع ده غير الريع ده او السنة دي في السنة دي؟ آآآ مثلا - 00:20:57

مسلا لكن مش هو ده سبب ان هزه المعاملة حلال والمعاملة الاخرى حرام لأن العائد ثابت خالص التزراه طبعا. مم طبيعة التعاقد انا متفق معك على احنا شركاء على ان الربح نسبة من الربح الحاصل اللى يرزق الله جل وعلا في كل صفة وهذا الربح غير -

00:21:09

يعني كون ان التجارة دي معروفة واحنا عاملين دراسة جدوى واولها واخرها معروف بلغة السوق كده بالبلدي انا عارف - 32

ان انا بدخل الصفقة دي بتصفي معي قد كده الميت الف بيصفوا قد كده. عرفت ده بالاستقراء وبالتجربة وبالايات والليالي وبقى لنا سنين ماشيين على د5. هم كون هزا معلوم مسبقا - 00:21:50

سینیں ماشیبین علی دھ. ہم کون ہزا معلوم مسبقا - 00:21:50

لا يضر طالما ان الاتفاق الالتفاق في الالصل نسبة من الربح الحاصل. مش مبني برضو الالتفاق على راس المال. على راس المال. مم.

امتى يبقى انا متأكد وعارف انا بكسب قد ايه - 00:22:05

لازم الالتفاق يكون نسبة من الربح الحاصل. ايوة. دراسات الجدوى والتوقعات شيء والالتفاق شيء اخر. تمام؟ كويسي. يبقى اذا الشراكة نسبة من الربح الحاصل اللي هو آآ غير معلوم يقينا. مم - 00:22:18

الخطأ يأتي من الالتفاق على نسبة من رأس المال خلاص؟ حلو كده. هم. طيب يبقى عندنا تلات مبادى في الشراكة. الشريك متضامن لا يضمن الا بالتفريط او التعدى والتقصير الربح نسبة من الربح بين بين الشركاء نسبة من الربح الحاصل وليس من رأس المال. والخسارة على قدر رأس مال كل واحد - 00:22:32

واحد بالاجماع واضح؟ مم. يبقى انت لك رأس مال داخل به هتخسر ما يساوي رأس ما لك ما يساوي حصتك. انت لك ربع رأس المال يبقى هتتحمل ربع الخسارة. لك تلت رأس ما لا تتحمل تلت الخسارة وهكذا. تمام. هم - 00:22:57

حتى لو بتربح بتربح نسبة اكبر بالمنسبة انت بتربح نسبة اكبر نزير عملك مم. لكن في الخسارة تخسر ما يقابل حصتك في المال ايوة. مم. تمام كده. هم. طيب. ده كده الفرق ما بين او توضيح لمبادى القرض ومبادى الشرع. ومبادى الشراكة. البنوك فين من الكلام ده بقى؟ البنوك فين من الكلام ومن - 00:23:14

ممتناز جدا. احنا كده فهمنا قواعد اهم قواعد. هم قبل ما نروح للبنوك طيبة. انا عايز اسألك دلوقتي آآ هل هل احنا وصلنا كده لشيء تصور جيد في الفارق ما بين معاملة الشراكة ومعاملة البنوك الحاصلة الان هي البنوك الان بتقول ان انا بدي قروض - 00:23:36 وبعض يعني جزء من معاملات البنوك بتقول انا بشاركك. هم. في نشاط معين. مم. او يستمر فلوسي معاك. هم. بيحاولو يوصفوها ان هي شراكة او في البيزنس بتاعك او في الشغل بتاعك. هم. هم. انا بقى سؤالي هم فعلا بيعملوا كده عقودهم بتوصل لكده - 00:24:03

ويعني ممكن نقول مسلا في البنك التجارى ممكن يبقى حاجة البنك الاسلامي حاجة تانية. البنوك الاسلامية لها طريقة شوية مختلفة. فانا عايز برضو اعرف المعاملة دي نطبقها على البنك التجارى ونطبقها على البنك الاسلامي. طيب خلينا نشوف الواقع الاول. هم - 00:24:23

انا هعمل مقارنة حضرتك لو في حاجة منهم مش حقيقة او انت شايف ان لا الواقع مش كده قل لي. تمام الشراكة في الاسلام اول حاجة قلنا الشريك لا يضمن الا بالتفريط - 00:24:38

او التقصير او التعدى اذا خسر بلا تفريط وبلا تعدي لا يضمن البنك يضمن اموال المودعين في كل حال ده صح ولا لا؟ ده صح واقعا. او بتكلم واقعا. اه لا الشراكة في الاسلام الشريك اه اه متضرر - 00:24:55

البنك بيضمن اموال المودعين في كل حال. هم. طيب يبقى ده اول فارق بين الشراكة في الاسلام وبين واقع البنوك. كويسي الفارق الثاني الشريك او المضارب بيستلم الاموال من اصحاب الاموال - 00:25:15

كمفترض ولا كوكيل عنهم في تنمية هزه الاموال في التجارة؟ لا كوكيل للتجار كوكيل. هم. انا واحد دي فلوسكم وانا واحدها انميهما في التجارة لان انا راجل عندي خبرة وراجل عندي يعني عندي - 00:25:33

آآ يعني مهارة التجارة. هم. فانا وكيل عنكم في التجارة بهذه الاموال. هذه الاموال ليست ملكي. هم في البنوك الواقع كما سيأتي وده نص القانون ان البنك بيستلم الاموال كمفترض - 00:25:46

وكمالك لهذه الاموال واضح؟ مم. ولو مطلق التصرف فيها. هم. مش عن وكالة لمساتي ده نص قانون على فكرة يعني ده مش اجتهاد ولا توصيف ولا تقول ده القانون المنزم لعمل البنك بيقول له هذه الاموال انت مفترض لها. بتكلم عن اموال المودعين انت مفترض لها والاموال ملك البنك - 00:26:03

تمام؟ تمام طيب آآ الفارق الثالث المهم جدا ان العامل العامل والشريك في صورة الشراكة الشرعية بيتتفق على نسبة من الارباح من البنوك لتنتفق مع المودعين على نسبة من رأس المال - 00:26:27

بيقول لك انت لك نسبة عائد او فايدة عشرة في المية او عشرين او مم ايا كان صح ولا لا؟ صح؟ يبقى ده الفارق الثالث المؤثر بين

سورة الشراكة في الاسلام - 00:26:49

وبين آآ صورة واقع عمل البنوك. عمل البنوك. مم. تمام؟ فحضرتك لما تيجي النهاردة تقول لي الصورة بتاعة ايداع الاموال في البنوك

هي شراكة واستثمار شرعى اه اه كلامك هيصطدم بالواقع - 00:27:04

كلامك يا اسطى الواقع هو اللي هيقول لأ ده فيه فارق كبير بين الشراكة. مم. وبين آآ معاملات البنوك. مم. طيب احنا دلوقتي بنقول لأ

والله ده البنك بيأخذ الفلوس كمفترض - 00:27:21

مش مستثمر في حين ان من بيبيح هذه المعاملة بيبح الایداع في البنوك قصدي الفائدة يقول لا ده البنك مستثمر. مين قال لك البنك

مفترض؟ انت ليه بتوصف هزه على ان البنك مفترض - 00:27:35

طب ما احنا ممكن نوصفها لان هي استسمار صح ولا لا؟ صح. ممكن يرد علي بکده. هم لو حبينا نرد وندخل في جدل هنفرق هزه

الفروق هنقول لا ده ده الشراكة تقتضي ان اللي بيأخذ الفلوس ده لا يضمن الا بالتفريط والتعدي. الشراكة تقتضي ان يكون الربح نسبة

من الربح مش من رأس مال. ودي اجماعات - 00:27:49

مم واضح؟ مم. لكن آآ يعني الازيد الاوجه من ذلك ان حتى القانون المنزم لعمل البنك بيقول البنك مفترض مم يعني عارف الموضوع

يعني عامل ازاي؟ البنك بيقول لك انا بافترض الفلوس دي انا واخدتها قرض. اه. والقانون بيقول كده - 00:28:11

انت حد جميل انت ليه بتقول على نفسك انت مش عارف انت مش مفترض ولا حاجة انت مستسلم واخد بالك يعني آآ يعني انا

معلش بقى ايه الحة دي احنا عايزين نقرأها اسألك عن الموضوع ده. انا عايز بقى نص القانون اللي بيقول الكلام ده. اه لأنم نقرأه.

يعني عندك مسلا آآ - 00:28:34

سبعمية ستة وعشرين من القانون المدني المصري بتقول ايه؟ اذا كانت الوديعة مبلغا من النقود او اي شيء اخر مما يهلك بالاستعمال

وكان المودع عنده اللي هو البنك في حالتنا. مأذونا له في استعماله - 00:28:54

اعتبر العقد قرضا مم ده نص القانون. يعني بمجرد ان آآ الطرف الآخر مأذون له في استعمال المال اللي يناسبه هو ده قرض ده قرض.

هم. لأن احنا عندنا كلمة وديعة في الفقه الاسلامي معناها امانة. مم. فانا لما اودع عندك شيء - 00:29:16

لا يحل لك استعماله. مم. واضح؟ مم. فهل هل هل الوديعة في البنوك انا بقول وديعة؟ بحط الفلوس بقول وديعة. هل هي بمعنى

الوديعة الاسلامية ان دي امانة عندك يا بنك لا يحل لك ان تنتفع بها او تستعملها لا البنك بيأخذها يعمل بها اللي هو عايزه. مم. فالقانون

قال له خلي بالك هي اسمها وديعة لكن هي في - 00:29:34

حاجة مختلفة. طرد. واضح. هم. آآ مادة تلتمية وواحد من القانون اتجاه قانون التجارة المصري. هم. رقم سبعمائة لسنة اه تسعه

وتسعين. يقول وديعة النقود عقد يخول البنك ملكية النقود المودعة - 00:29:54

مم. عشان لما قلنا ان العامل او الشريك بيقبض المال نيابة عن اصحابه وكيله. ووكيلا عنهم في استسمار هزه الاموال لا يتملكها. لا

يتملکها في حين ان البنك بيقبضها كمفترض ويتملكها. ايوة. احنا لا نتقول ده القانون. مم. ده مؤسسات الدولة اللي بتقول كده يعني

يعني اللي بيختلف هزا الكلام هو بيختلف - 00:30:14

مؤسسات الدولة في الحقيقة. مم. واضح المادة تلتمية وواحد من قانون التجارة المصري رقم سبعمائة لسنة تسعه وتسعين. وديعة

النقود عقد يخول البنك ملكية النقود المدعاة والنصرف توفيقها بما يتفق ونشاطه - 00:30:34

مع التزامه برد مسلها للمودع طبقا لشروط العقد كويس؟ مم. طيب انت هتقول لي والله انت جبت نصوص القانون دي وفسرتها على

على هواك فيبني وبينك اكبر محكمة في الدولة. محكمة النقض - 00:30:50

المصرية ها اصدرت اكتر من حكم ينص على ان اموال المودعين في البنوك قروض مضمون على البنك. مم واضح حكم محكمتي انا

يعني اكفي بواحد بس حكم محكمة النقض الطعن رقم الف ستمية سبعة وخمسين لسنة تسعه واربعين. مم. جلسة حداشر ثلاثة الف

تسعمية خمسة وثمانين - 00:31:07

جاء في الحكم الوديعة لاجل وعلى ما جرى به قضاء هذه المحكمة يعني الامر مش آآ مش سابقة قضائية المحكمة. هي علاقة ودية
ناقصة تعتبر بمقتضى المادة سبعينية ستة وعشرين من القانون المدني - 00:31:31

طردا من العميل للبنك المودع لديه يخضع لاحكام عقد القرض فيما لم يرد بشأنه نص في العقد وزين الحكم بذكر مواد القانون التي
استند اليها. المواد سبعينية ستة وعشرين مدني تلتيمية وواحد تلتيمية واثنين تلتيمية وخمسة. من قانون التجارة المصري - 00:31:51
كوييس ؟ من فالنهاerde انا لما اقول البنك بيقبض هزه الاموال كمفترض ويتصرف فيها كمفترض والمودع في البنك هو مقرض للبنك انا
لا اتقول. والموضوع بقى مش محتاج اجتهاد مننا في توصيف العلاقة - 00:32:14

ايه العلاقة المصطفى نفسها؟ يعني انا بقول له انا بافترض منك وهديك زيادة على هزا القرض فيجي شيخ يقول لي مين قال ان انت
مفترض ده انت راجل شريك. يا سيدى انا مش شريك ولا حاجة. القانون اللي - 00:32:33

ملزم الزي يوصف عمل البنك بيقول كده. بمناسبة القانون يعني احنا دلوقتي قاعدين بنتكلم في قوانين البنوك
بشكل عام كده ولا احنا عندنا في اصل احنا البنوك دي جايبيها منين هي البنك اصلا صناعة يعني آآ مصرفية العادية مش الاسلامية
هي صناعة غريبة في الاصل. مم. واضح - 00:32:46

يبقى ده آآ من اهم الفوارق بين البنك وبين صورة الشراكة او التجارة الاسلامية الشرعية. انا انا الان مش مش بقارن بين البنك
الاسلامي او المسمى بالاسلامي والبنك التجارى. لا احنا بنتكلم على البنك بشكل عام - 00:33:06

بنك التجارى. مم. والشراكة في اصلها في الفقه الاسلامي. ايوه. تمام؟ من آآ من الفوارق المهمة جدا جدا ان العامل العامل او المضارب
او الرجل اللي بياخد الفلوس دي يشغلها يعني في الاسلام - 00:33:23

وظيفته ان يقلب هذه الاموال في التجارة. ده المصطلح الفقهي. يقول لك يقلب المال او النقود في التجارة. يعني ياخذ الفلوس وايه؟
يقلب عيشه. يقلبها. اه يقلبها نشتري بضائع وبيبيع وهكذا - 00:33:42
كوييس البنك آآ لا يصرح لها بذلك اصلا ايوه. يعني البنك ودي من الحاجات برضو العجيبة. يعني انت بتقول لي ياخذ الفلوس بشغلها.
بتشغلها في ايه هو البنك اصلا ممنوع قانونا - 00:33:55

ان هو يعمل في في الاموال بمسل ذلك. هم. قانونا. يعني نص قانون البنك المادة ستين من قانون البنك المركزي المادة الستين من
قانون البنك المركزي رقم تمانية وثمانين لسنة الفين وتلاتة. ده اخر اه تعديل لقانون البنك. هم - 00:34:13

يحرز على البنك ما يأتي. يحرز على البنك ما يأتي الدخول كشريك واحد اتنين ثلاثة رقم اربعة اللي يهمنا. الدخول كشريك متضامن
في شركات الاشخاص والتوصية بالاسهم. تمام؟ طيب. مهمة جدا اللي جاية دي - 00:34:32

التعامل خمسة التعامل في المنقول او العقار بالشراء او البيع او المقايضة مم. التعامل في المنقول او العقار للشراء او البيع او
المقايضة. ما عدا استثنى القانون العقار المخصص لعمل البنك او للترفيه عن العاملين. البنك عنده آآ مقرات بتاعتته. ايوه. فيشتري مقر
جديد او - 00:34:52

عنه اصل بيعه عشان يجيب غيره. مم. او يعمل مسلا آآ مصيف للعاملين او نادي للعاملين يشتريه عشان آآ حته ارض عشان يعملها
نادي. ده ده ما فيش فيه مشكلة - 00:35:18

انما يشتري وبيبيع بفرض التجارة ممنوع قانونا. مم. القانون بيمعني البنك ان هو يشتري شقة وبيبيعها لحضرتك مم. او يشتري عربية
بيقول للمنقول والعقارات يعني ارض او مبني المنقول كل شيء - 00:35:28

مم اي حاجة منقولة. اي حاجة منقولة. مم. واضح؟ فالبنك التجارى ممنوع قانونا انه يشتري عربية وبيبيعها لك لو سمحت ما تقوليش
البنك مم. ممنوع قانونا ان هو يشتري عقار او شقة وبيبيعها لحضرتك - 00:35:44

نشاطه ان هو يمول يمول الله يفتح عليك ولذلك العقود بتاعة البنك التجارية لا يمكن تجد ان العقد اللي مكتوب فيه عقد شراء او
عقد بيع سيارة. احنا هنا طبعا بنتكلم كل ده على البنك التجارية. البنك التجارية. صحيح كده؟ العادية. تمام. الغير الاسلامية. تمام - 00:36:00

ما تلقيش العقد مكتوب فيه عقد بيع سيارة او عقد بيع شقة انما تجد عقد تمويل شراء سيارة. ايوة. او عقد قرض بغرض شراء شقة سكنية او سيارة او كذا. واضح؟ واضح. تمويل يعني قرض - 00:36:18

تمويل هو هو احنا يعني محتاجين الاول نعرف هو البنك آآ هو ايه البنك يعني علماء الباب الذين يتكلمون في النقود والبنوك والمعاملات وصفوا البنك بايه؟ ما بتكلمش عن الفقهاء على فكرة. بتكلم عن الناس العادية آآ بتوع برة. هم - 00:36:36 واضح العمل والبنوك. بيقولوا البنك هو مؤسسة مالية تتاجر في النقود. تتاجر في النقود. ماشي؟ عن طريق كونها وسيطا بين اصحاب رؤوس الاموال والباحثين عن عن عن رؤوس الاموال. ببساطة - 00:36:58

الطالبين لها. في ناس معها فلوس عايزه تشغلها في ناس عايزه تاخذ فلوس الا وسيط. وسيط بيتجار في النقود. مم واضح؟ فالبنك ما بيشتريش حاجة ويبيعها لك. انما يمولك يقرضك - 00:37:14

اه لا ازاي ده انا ده انا رحت للجهة الفلاحية وقال لي اه يجوز انك انت اه تتعاقد مع بنكي يشتري لك شقة ويبيعها لك مش بنك اه - 00:37:29

عادي البنك العادي او البنك التجاري الذي لا يعمل وفق احكام الشريعة ممنوع قانونا من ذلك. مم. واضح؟ مم. استثنى بقى استثنى القانون المقرات بتاعة البنك ونحو ذلك واستثنى ايضا - 00:37:39

الاشياء اللي البنك بيحجز عليها البنك خد آآ عقار مثلا او سيارة لحد كان واحد قرض عليه التزامات للبنك فالبنك بيعها. في الحالة دي يجوز ان هو بيع مم. انما يشتري حاجة ويبيعها بهدف التجارة هزا ممنوع بنص القانون. فده من الفوارق المهمة ايضا بين الشراكة العادية. انت بتدي فلوسك - 00:37:56

ممنوع ان هو بيتجار فيها اصلا طيب اه انا شايف ان احنا كده يعتبرنا كوييس بالنسبة لمسألة القرض والشراكة وايه هو البنك واه القواعد او القيود المنزمه العامة للبنك. تمام - 00:38:18

آآ البنك دلوقتي احنا محتاجينه في ايه؟ محتاجينه ان احنا مسلا بنحط آآ فلوسنا كوديعة. مزبوط. محتاجين قرض بناخد قرض. مم. آآ محتاج اشتري سلعة زي سيارة او بيت او مم. حتى لو صفقة تجارية بيدخل البنك يمولها لي. مم - 00:38:33

كل المعاملات دي غلط يعني كل المعاملات دي بيعها البنك وانا هنا بردو لسه بنتكلم عن البنك التجارية كل المعاملات دي آآ متوصفة غلط مقابل التوصيف الشرعي التقسيمة دي جميلة. مم. خلينا ننزل الكلام الكبير اللي احنا قلناه على - 00:38:47

التقسيمة دي. انا كأنسان عادي بحتاج البنك اما ان انا احط فيه فلوسي واما ان انا اخد منه قرض واما ان هو يمول لي شراء سلعة او مشروع او نحو ذلك. كوييس - 00:39:04

المعاملة الاولى المعاملة الاولى آآ انا بحط فلوسي في البنك آآ عندي آآ صورتين. سورة اسمها وديعة وزيها الشهادات اسطورة تانية اسمها حساب جاري مم كوييس؟ مم الحساب الجاري لو انت محتاج هتحط فلوسك فين؟ ما ينفعش انك انت تحفظ بمبالغ آآ في بيت او في نحو ذلك يعني غير امن. فالحساب الجاري لو - 00:39:16

وانت محتاج تحط فلوسك لا سيماء محتاج انك تطلع بطاقة مثلا آآ محتاج انك انت آآ تحول فلوس لحد الكلام ده كله تستقبل فلوس على حساب الحساب الجاري لا بأس به ولا اشكال فيه لان انت مش بتاخذ عليه ارباح من البنك - 00:39:45

يبقى انا محتاج احط فلوس في البنك احطها في حساب جاري كوييس. والحساب الجاري بيسمح لي ان انا اطلع بطاقة ديبيت يعني عندي البطاقات البنكية في كريديت وفي دي مغطاة انا باخد من فلوسي وبسحب من فلوسي وانا لي عشر قروش - 00:40:03

البطاقة بتديني حرية التحرك في اطار العشر او بشن. كوييس كده؟ كوييس كده. تمام الصورة الثانية ان انا احط فلوسي في البنك كوديعة مم. ودي بنزل عليها الكلام اللي احنا قلناه. احنا قلنا نص القانون بيقول لك وديعتك في البنك عبارة عن ايه؟ قرض. قرض منك للبنك. بيجي واحد يقول لك ايه؟ هي البنك - 00:40:23

محتاجة اقرض من الناس الغلابة دول ما هي حضرتك هي كل الفلوس اللي يعني هي لولا الناس الغلابة دول بيعطوا فلوسهم في

البنك البنك مش هيبيقى عنده فلوس. واضح؟ صح - 00:40:43

فهي دي شغلتها ان هي تاخد فلوس من الناس دي من المودعين وبعدين اللي محتاج آآ في فلوس تديني في صورة قروض. مم. بتدي للمودع مسلا عشرة في المية فايدة وبتاخد من المقترض عشرين في المية فايدة الفرق ده هو - 00:40:55

عائد البنك واضح كده؟ واضح. فالمودع خلاص بنص القانون لا انا اللي بيقول ولا الشيخ فلان اللي بيقول بنص القانون اموال المودعين في البنك هي قروض حضرتك بتاخد زيادة على القرض دي اسمها في شريعة ربنا ربنا - 00:41:16

الكلام ده مش احنا اللي بنقوله ومش فصيل معين اللي بيقوله. مم والكلام ده بالمناسبة لحد عهد قريب كان الخلاف فيه نادر وشاذ وما حدش يعني آآ يعني يعني لك ان على علماء الازهر كلهم اغلبهم بيقول يعني المسألة كانت ما حدش كان يجرؤ ان هو كانت منتهية يعني حضرتك انت - 00:41:33

نتكلم مسلا ان الشيخ جاد الحق رحمة الله عليه اه كان بيقول بحرمة اه فوائد البنك. الشيخ محمد ابو زهرة. الشيخ عبدالمجيد سليم. الشيخ حسن مأمون. الشيخ اه عطية صقر. الشيخ محمد المصير. الشيخ الشعراوي - 00:41:56

الشيخ محمد الراوي. هم. الشيخ محمد الغزالى. الشيخ احمد طه ريان رحمة الله عليهم. جميا. وغيرهم كثير من علماء الازهر آآ المسألة كانت منتهية. يعني المسألة كانت بتستشهد بعلماء الازهر عشان ما حدش يقول ده فصيل معين. في الأساس - 00:42:09

كل العلماء كانوا العلماء كل العلماء مش علماء الازهر كل العلماء الفتاوي مجمع الفقه الاسلامي المنبثق عن رابطة العالم الاسلامي المجمع الفقهي الاسلامي منزمه العالم الاسلامي. دور الافتاء المعترضة والمجامع البحثية المعترضة في العالم الاسلامي كله. بתרحيم فوائد البنك التجارية - 00:42:29

الشيخ سيد طنطاوى رحمة الله عليه افتى بحرمة فوائد البنك الربوية سم حصل بقى ما حصل وتراجع عن هزه الفتوى وكان هزا هو اول فتوى رسمية تصدر من الازهر اباحت فوائد البنك. لكن قبل ذلك كل الفتوى الرسمية والغير رسمية مش عايزين نقول اجماع لكن بنسبة تسعه وتسعين في المية - 00:42:49

هي آآ فتاوى مستقرة على حرمة فوائد البنك كوييس كده بيقى دي اموال العوائد بتاعة الایداع. هم الصورة الثانية اللي حضرتك سألت عنها اللي هي انا هاخد قرض من البنك. ده ما فيهوش بقى يعني احنا كل ده عايزين نقول ان الایداع قرض للبنك. طب اللي رايح بيقول للبنك اديني قرض - 00:43:11

وهدفع لك عليه زيادة ده محتاج ان انا اوصفه هو قرض حضرتك فالموضوع منتهي. ومع ذلك عندنا فتاوى يعني اه اه فتوى مجمع البحوث الاسلامية التابع للشيخة الازهر مجمع البحوث الاسلامية في القاهرة. مم - 00:43:35

اه سنة خمسة وستين وبحضور اه علماء المسلمين من خمسة وتلاتين دولة يعني مش فقط علماء الازهر او علماء المصريين آآ هزا المجمع سنة خمسة وستين بحضور علماء من خمسة وتلاتين دولة من علماء المسلمين - 00:43:55

اصدر قرارا بالاجماع. مم. بان كل صور الفائدة على كل انواع القروض هي الربا المحرم سواء كانت آآ قروض استهلاكية او قروض انتاجية مم واضح كده؟ يعني حضرتك رايح تاخد قرض من البنك علشان تشتري سيارة - 00:44:13

والبنك بيشرط عليك زيادة ربا. حضرتك واحد قرض علشان تعمل ورشة او مصنع والبنك بيأخذ عليك زيادة ربا كوييس. ده فتوى مجمع البحوث الاسلامية سنة خمسة وستين. هيطلع واحد يقول لك دي سنة خمسة وستين. والفتوى تتغير بتغير الزمان والمكان يا جهله - 00:44:37

طيب يا سيدى احنا بنقول طبعا ان الفتوى تتغير بتغير الزمان والمكان. قل لي ايه اللي اتغير في نزام عمل البنك واحنا نغير الفتوى بسيطة يعني الموضوع سهل جدا. حضرتك هات الواقع الذي صدرت - 00:44:57

آآ يعني عليه هذه الفتوى اقارنه بالواقع الان وقل لي ايه اللي اتغير لو في تغيير نغير بقى خلاص ما فيش مشكلة ما هو احنا عايزين نحرم؟ ما احنا عايزين آآ يعني الناس تشتعل وتاخد آآ ايه ايه المانع - 00:45:12

مم واضح؟ مم. علماء المسلمين اكتر الناس شفقة على المسلمين لا احد يريد يضيق والتجديده يحسن كل احده واضح؟ لكن الفقه كما

قال سفيان السوري رخصة من عالم ثقة مش رخصة وخلاص بقى يعني مش انا ابيح للناس آآ يعني يعني نؤكد للناس حراما عشان
نبقى احنا بنسهل ونيسر. مم. لا طبعا - 00:45:27

الفتوى تتغير بتغير الزمان والمكان اذا تغيرت زروف الزمان والمكان اما اذا كان العمل في البنوك كما هو وكما كان ولم يتغير فيه شيء
فالفتوى مستقرة ولا يتغير فيها فيها شيء. الصورة الاخيرة - 00:45:52

اللي هي برضه قرض لكن في صورة ايه؟ تمويل شراء تمويل شراء بدل ما البنك بيدي المفترض الفلوس في ايده بيديها للناجر الله
يفتح النيابة عنه. بس كده. بيديها لشركة السيارات. مم - 00:46:08

بيقول له رح خد السيارة تمام وارجع انا دفعت لشركة السيارات آآ مائة الف هتديهم للبنك مية وخمسين الف. مم هو قرض والعقد
بتاعه اسمه عقد قرض او عقد تمويل والاتنين بمعنى قرض. هم. كويس كده؟ كويس - 00:46:24

لكن بدل ما ادي لك الفلوس في ايدك اداها للمستحق طيب ليه ما نقولش ان البنك اشتري وبا ع مهم قوي الحكاية دي. طب ليه ما
نقولش ان البنك اشتري العربية وباع؟ عشان البنك اصلا ممنوع من التملك. الله يفتح على حضرتك. احنا قلنا هو مادة ستين من قانون
البنوك - 00:46:40

البنك ممنوع ان هو يتاجر في العقار او المنشقون هذا اولا. ثانيا النبي صلى الله عليه وسلم نهى عن بيع ما لم يملك وعن ربح ما لم
يضمن مم يعني البنك هنا لم يتملك فكيف يبيع؟ مم. ولم يضمن فكيف يربح؟ يعني ايه لم يضمن؟ لم يتملك وضحة - 00:46:57

لم يضمن يعني ايه؟ السيارة وهي عند شركة السيارات حصل فيها حاجة ولعنت مين المالك؟ مين اللي هي خسر شركة السيارات؟ مم.
حضرتك رحت خدتها من الشركة وروحت. تلفت وهي في الطريق - 00:47:19
مين اللي هي خسر؟ حضرتك البنك فين في الموضوع ده؟ ولا حاجة. البنك اللي ضمنها وهي هنا ولا ضمنها وهي هنا. هم. وربح نتيجة
المتاجرة في النقود. المدافع نقود؟ حط خدها بزيادة. مم. واضح؟ فربح ما لم يضمن. ربح من. والنبي صلى الله عليه وسلم نهى عن
ذبح ما لم يضمن. والقاعدة الشرعية الغنم بالغرم - 00:47:33

الغنم بالنون بالغرم بالغرامة الغنية بالغرامة. يعني اذا اردت ان تغنم اذا اردت ان تربح. لا حضرتك لازم تتبع نفسك وتعمل
حاجة تحمل الضمان طب ليه الموضوع ده برضو يعني آآ يعني من جماليات الشريعة - 00:47:56
يعني ليه ليه آآ طالما انا يعني آآ انا موافق ان البنك يربح مني والراجل بتاع السيارات موافق ان البنك بيدي له الفلوس بهذه الطريقة
ولا يستلم السيارة ويسلمها للمشتري على طول. مم - 00:48:13

ففين المشكلة انما الباقي عن تراضي طالما احنا كلنا متراضيين فين المشكلة؟ خلي بالك اه الشريعة الشريعة لما بتنزم اه هزه
القوانين العامة لا تنزمها على هواء الافراد المنزمه على هوى الافراد ولا تنزمها على امزجة بعض الناس. وانما تنزمها وفق مصلحة
المجتمع - 00:48:28

الجميع انا قعدت افكر كده ليه الشرع؟ ليه الشرع نهى عن ربح ما لم يضمن واحد قبل كده مثلا بيسألني ده سؤال واقعي انا راجل
اعرف آآ مزارع بتاع الدواجن - 00:48:51

وفيه محلات. مم. فال محل بيتصل بيا انا محتاج آآ مسلا كمية قد كده دواجن انا جاي متصل بالمزرعة اه ابعت كمية قد كده للمكان
الفلاي. مم الراجل بيعت لي الفلوس - 00:49:06

بعث لي عشرة بيدي للمزرعة تسعه انا خدت واحد انا مرضي والراجل الناجر مرضي والمزرعة مرضية والدنيا جميلة. ايه اللي دخلكم
انتم في الموضوع؟ السوق كله شغال كده؟ اه ايه اللي دخلكم في الموباييل؟ لا انت لوحـت - 00:49:21

انت بعـت ما لم تملك وروحت مـن اـه مـا لم تضـمن مـنـه شيءـ. مـمـ. طـبـ دـهـ عـمـلـ اـيـهـ؟ دـهـ عـمـلـ زـيـادـةـ فيـ السـعـرـ بـلـاـ مـقـابـلـ ماـ
اشـتـغـلـشـ اـشـتـغـلـشـ اـنـتـ ماـ قـدـمـتـشـ اـيـ خـدـمـةـ - 00:49:33

او اي قيمة مضافة على السلعة الدواجن طلعت من المزرعة راحت للناجر. حضرتك قدمت قدم خدمة قدم قيمة مضافة عشان يبقى

لك حق تربح ممكّن نقول انه قدم وساطة الدين النصيحة قل للراجل والله انا مش بشتغل في الدواجن المزرعة الفلانية بتبعي خد
الرقم اهو واتعامل معها - 00:49:50

عندنا عندنا نموذج لده النبي صلى الله عليه وسلم نهى عن بيع الحاضر. مم. الحاضر اللي هو قاعد في المدينة او في القرية. والبادي
اللي جاي من البادية. راجل جاي - 00:50:11

من البادية معه شوية حاجات عايز بيعها يوم السوق طب ما احنا بالمبأ ده ممكّن نحرم مسلا السمسرة. لا هاقول لحضرتك. مم.
فالراجل جاي من البادية معه شوية حاجات عايز بيعها يوم الجمعة ده يوم السوق فجاي عايز بيعها ويرجع البادية لانه مش
من اهل المدينة. يعني ما عندوش آآ امكانية انه او رفاهية انه يقعد يوم واتنين وتلاتة - 00:50:21

فهو عايز بيع بسعر معين هو مرتضي به وخلاص بكم بعشرة؟ يجي له بقى الحاضر الراجل اللي هو قاعد في المدينة يستقبله
يستقبل آآ يقول له انت هتبّع بكم؟ عشرة ليه تبيع بعشرة؟ والله مستعجل وعايز اروح - 00:50:43

عايز اطلع من البضاعة دي بلغة السوق يعني. مم. يقول له طب خلاص سبها لي مم. وانا ابيعها على مهلي بدل ما ابيعها بعشرة نبيعها
بخمسة اشهر. حلو. خد انت اتناشر - 00:51:00

وانا هاخد الایه؟ التلاتة كويس فالنبي صلى الله عليه وسلم نهى عن بيع الحاضر قال ابن عباس لا يكن له سمسارا لا يكن له سمسارا.
تمام؟ السمسرة مش حرام لكن في الصورة دي حرام. انت عملت ايه؟ انت تسبّب في رفع السعر على السوق وعلى اهل السوق - 00:51:11

ها بلا بلا داعي ولذلك النبي بالسعر بالعشرة. وهيبقى مبسوط والناس مبسوتة. فالنبي صلى الله عليه وسلم قال ايه؟ قال
دعوا الناس ارزق الله بعضهم ببعض مم. تمام؟ فيا سيدى انت طالما دي مش شغلك وما عندكش استعداد تعمل فيه حاجة. وتقديم فيه
خدمة وتقدم فيه قيمة مضافة - 00:51:30

سيب الناس يرزق الله بعضهم ببعض. والا فاي حد بيشتغل في السوق عارف ان جزء كبير من ارتفاع اسعار المنتجات والسلع سببه
زيادة العمولات صحيح. بلا داعي. مم. مم زيادة العمولات السلع محملة بعمولات كثيرة بلا داعي. بخلاف بقى اللي بيسوق وبيبيل
مجهود او بينقل او بياخد السلعة يغلفها او بياخد السلعة يجهزها - 00:51:53

الكلام ده كله ده قيمة مضافة على السلع من حقه يربّح. وطالما هو عمل كده فضمن لان هو في اثناء هذا العمل السلعة لو حصل لها
حاجة راحت عليه هو هو اللي خسر. وواضح كده. اه. فالبنك النهارده انا قبل ما اطلع بقى للبنك عشان النقطة دي اللي فاتت دي شائكة
شوية في مسألة السمسرة. اه. نوضح - 00:52:19

في السريع. مم. آآ ايه الفرق بين الصورة اللي قلناها دي ما بيعش لواحد جاي آآ من البادية ده راجل قاعد هنا في المدينة وبيبيع
في شقته في بروح للمكتب السمسرة يقول له سوقها لي. مم. تمام؟ مم. والراجل اللي بيدور على شقة معارفه محدودة وامكانياته في
البحس محدودة - 00:52:38

بروح يدعي لمكتب التسويق العقاري يقول له انا عايز شقة مواصفاتها كذا كذا فالراجل يقعد يلف على رجلهه ويدور على شقق
ويعاين ويجيب له شقة مناسبة واتنين وتلاتة ويأخذ - 00:52:58

اتفرجوا وبيبيعها له بذل يع لي او اشتري لي او ابحس لي. دي قيمة مضافة. مم. واضح؟ مم. انما الثاني ده بيعه مرضي وهيمشي
اه نرجع للبنك. البنك عمل ايه؟ البنك دفع فلوس وخد فلوس - 00:53:08

تمام ما اشتراش ولا ضمان وبالتالي اهذا ليس بيعا وشراء ولا تجارة وده مجرد اقراض آآ بالزيادة واتفقنا ايضا كلمة المجامع الفقهية
ودور الفتوى المععتبرة على حرمتها. وكان هذا امر من الامور ايضا المستقرة - 00:53:31

دي التلات نقاط اللي بتغطي عمل الناس في البنوك التجارية شيخ في في شبهة من نوع مختلف شوية اه بعض الناس اللي اتكلمت
في المسألة دي قالت ان الفلوس اللي موجودة دلوقتي او النقود الورقية. مم. حاجة والنقود الذهب والفضة اه حاجة تانية - 00:53:51

خالص فلا تجري فيها اصلا اه الربوية يعني الفلوس دي ما فيهاش ربا اساسا. كلام كبير وتحس انه كلام جامد قوي. كلام كلام طيب. بس جديد يعني كلام عمر ما حد عشان ما كانش حد يتخييل انه يقال. اه. يعني مش للدرجة دي يا جماعة. طيب هو اولا - 00:54:12 - اه لازم نفهم ان كان زمان النقود كانت زهب وفضة الزهب كان دينار والفضة كانت درهم كان الدينار بيساوي آآ عشرة دراهم او اتناشر درهم. هم. كوييس آآ عندنا حديث عن النبي صلى الله عليه وسلم اصلي في باب الربا - 00:54:30 -

آآ قال النبي صلى الله عليه وسلم الذهب بالذهب والفضة بالفضة والبر بالبر اللي هو القمح والشعير بالشعير والتمر بالتمر والملح بالملح ربا. يعني تبديل اه كل صنف بصنف هزه هزا الصنف بهزا الصنف. تمام - 00:54:50 - او بنفسه يعني ربا الا مثلا بمسل. هم. مثلا بمسل يعني جرام دهب بجرام دهب. دينار بدينار. هم. تمرة بتمرة صاع تمر او كيلو تمر بكيلو تمر. كوييس كده ؟ حلو. الا مسلا بمسل - 00:55:08 -

سواء بسواء هاء ام بهاء او يدا بيد مم تمام؟ مم يبقى عندي هنا شرطين مسلا بمسل دينار بدينار جرام بجرام. كيلو بكيلو. اللي هو من نفس الصنف ويدا بيد يعني تقابل في المجلس كما يقول الفقهاء. يعني - 00:55:24 -

اديتك الدينار تديني دينار قبل ما نتفرج نفس المقدار في نفس الزمن وفي نفس الزمن. ممتاز زور الشرطين. جميل جدا. تمام؟ فاذا اختللت الاصناف فبيعوا كيف شئتم يعني يجوز المفاضلة - 00:55:45 - المقدار اذا اختللت الصنف فعنا زهب بفضة يبقى مش دينار بدرهم. دينار بعشرة درهم. حسب القيمة بقى. اه نعم. اه كيلو تمر بكيلو تمر. طب لو تمر بملح ممكن يبقى كيلو تمر بعشرة كيلو ملح. مم. ما فيش مشكلة. مم. لان فيه تفاوت في القيمة اصلا. ايوة. الاصناف دي اسمها الاصناف - 00:56:02 -

او اصول الاصناف الربوية ستة اصناف تمام؟ مم جماهير اهل العلم عامة اهل العلم قالوا ان النبي صلى الله عليه وسلم لم يقصد هذه الستة اصناف فقط انما ذكرها ليدل بها على غيرها. هنا تيجي وزيفة - 00:56:25 -

القياس هو ليه النبي صلى الله عليه وسلم زكر هزه الاصناف؟ صلى الله عليه وسلم. العلماء نزروا انا مش عايز ادخل في المسألة دي فقهيا آآ معقدة شوية. بس العلماء نزروا في حاجة اسمها العلة - 00:56:43 -

يعني ايه العلة ببساطة كده تعريفها اصوليا وصف زاهر من ضبط معرف للحكم لكن مش يعني شبه السبب. مم. ان السبب اصوليا برضو وصف زاهر من ضبط معرف للحكم لكن فيه فرق بين السبب والعلة. لكن احنا هنقول ايه؟ هنقول العلة دي ببساطة - 00:56:54 -

اه بالمسال يتضح المقال الخمرة حرام ليه علشان مسكرة. مم. تمام؟ الاسكار علة تحريم الخمر فكل مسكر خمر. مم. كل مسكر حرام. مم. تمام؟ وكل خمر حرام القتل العمد العداون - 00:57:14 -

كайн قتل ممكن يبقى خطأ وممكن يبقى عنده مش عداون دفاع عن النفس. هم صح ولا لأ وجهاد في سبيل الله؟ مم جهاد شرعى. تمام القتل العمد للعداون. علة وجوب القصاص. اذا قتل عمدا - 00:57:37 -

عدوانا يبقى يجب القصاص مم صح؟ صح. دي اسمها العلة ايه علة ان التمر بالتمر ربا والبر بالبر الربا والذهب بالذهب والفضة بالفضة. ليه؟ اشمعنى الاصناف دي؟ فالعلماء اختلفوا بعضهم قال - 00:57:53 -

الاربع اصناف التمر والشعير والبر القمح والملح لانها مطعومات. الحاجة المشتركة بينهم كلهم ان هي آآ طعام فكل مطعموم تجري فيه احكام الربا وده مذهب الامام الشافعي مسلا. هم. تمام - 00:58:13 -

يعني جبنة بجبنه يبقى لازم ننتقيد بالشروط التعامل في الرباويات يعني هم هنا قالوا ان النبي صلى الله عليه وسلم لما اطلق الاربع اصناف دول ما كانش يقصدهم هم بس. هو يقصد اي شيء بيتأكل. اي شيء بيتأكل. حلو. هم نز للامام الشافعي نز في هزه الاصناف - 00:58:31 -

في وجه الشبه بينهم الشيء المشتركة بينهم كلها مطعومات فيبقى كل مطعموم اه تجري علي احكام التعاملات الربوية ولازما يكون ازا اتفق الصنف يبقى مسلا بمسل يدا بيد وازا اختلف - 00:58:47 -

آآ يجوز التفاضل ويجب التقابل اذا اختلفوا في العلة خالص يبقى بلاش بلاش الفاظ بلاش بلاش التفاصيل دي. لكن خلينا نقول الشافعي نظر في الاربع اصناف وقال على فكرة - 00:59:01

بالمناسبة بقى يعني الاخوة الدعاة وطلبة العلم اللي قادرين على تبسيط المعلومات جزاهم الله خيرا كنز يعني انا مسلا عشان اشرح الموضوع ده ببساطة بيبقى صعب علي. هو انا بشوف ان باب المعاملات تحديدا الكلام فيه تقيل قوي. يعني الناس مش متعددة - 00:59:20

الكلام ده. فعلى ما واحد يقدر يجمع اللفظ الواحد يقدر فترة يجمعه. مم. بيكون فصل من السياق العام فعشان كده انا بحاول ايه دايما انا انا بصراحة يعني في يمكن تالت حلقة نتكلم عن المعاملات. مم. او يعني شيء او جانب من جوانب المعاملات الاسلامية وانا مهتم شخصيا بالموضوع ده - 00:59:42

حابب ان احنا يعني الوعي يزيد فيه شوية. كويس جدا. جدا يعني. مم. وعارف ان حضرتك طبعا يعني متخصص من اكتر المتخصصين في اللي انا اعرفهم على المستوى الشخصي يعني ربنا - 01:00:02

جزاك الله خيرا. فاحنا بس ايه؟ يعني يعني ما تتضايقش مني لو حاولت ان انا اشده نبسط ده ضروري. اه. بس انا لو لقيتني قلت مصطلح يعني هي هي حاجات طلب العلمي يعني هيبيقى عارفها بس ممكن لو حد ما درسش قبل كده. نغير بقى احنا مش خاص دلوقتي احنا بنكلم عموم الناس مش عايز - 01:00:12

ازهر كأن انا بقول كلام كبير اي طالب علمي عارف الكلام اللي انا بقوله اللي ما درسي ممكن بعض المصطلحات صعبة عليه زي ما قلنا ده ده السمة العامة لباب المعاملات يعني. فاحنا بنحاول ان احنا نخفف الموضوع شوية. طيب ربنا يلهمنا الصواب. امين يا رب. اه - 01:00:32

الشافعي لما نزل في الاربع اصناف قال هي مشترك في ان هي مطعمون بكل مطعمون تجري فيه احكام الربا. كويس. الذهب والفضة الشافعية قالوا كلمة تقيلة شوية قالوا آآ علة جريان احكام الربا فيها ان هي - 01:00:52

جوهر الثمانية. هم. يعني ايه جوهر الثمانية؟ آآ معدن الثمنية. يعني يعني اصل السماء يعني الله جل وعلا اختص الذهب والفضة بانهم اثمان واضح؟ مم. ودي بيسماها الاصوليون علة قاصرة. يعني ايه علة قاصرة؟ يعني لا يقاس عليهم غيرهم - 01:01:08
يعني حنخض لا يقاس عليهم غيرهم اه ما يعني ولذلك تجد في نصوص الشافعية ان غير الذهب والفضة لو راج لوا اتخذه الناس اثمانا رواج الذهب والفضة لا تجري في احكام الربا. يعني ايه الكلام ده - 01:01:28

كان زمان في حاجة اسمها فلوس تنقود وفي فلوس. احنا دلوقتي بنسمي الفلوس اللي بایدينا كلها فلوس. مم. تمام؟ لأ زمان كان في نقود اللي هي الذهب والفضة الدينار والدرهم وفلوس اللي هي - 01:01:44

اسمان متخذة من معادن اقل واردا يعني آآ زي الحديد والنحاس ونحو ذلك. ده قبل صك العملة يعني. اه نعم. قبل لا كان العملة مصكوكة قبل الورقية ايوة لما كانت فيه فلوس حتى كلمة مفلس في اللغة العربية جاية منين؟ ان كل ما له فلوس - 01:01:56
اه نحاس وحديد ورصاص ونحو ذلك. هم. هو ما عندهوش نقود. تمام؟ فقالوا لو راجت الفلوس في ناحية من النواحي رواج الذهب والفضة لا تجري في احكام الربا وهماما قالوا الكلام ده - 01:02:19

مهم جدا نفهم انه لم يتصور احد من الفقهاء في زمانه ان الذهب والفضة يختلفوا تماما وما يبقوش موجودين والناس تتدالو الفلوس او تتدالو حتى مش الفلوس الاوراق. مم. وهي اللي تحل محل النقود تماما. مم. فكانه بيقول لو راجت - 01:02:35

روجذاب الفضة يعني في ناحية من النواحي كما صرخ بعض الشافعية بذلك. في ناحية من النواحي خلاص فبرضو هذا هذا الاطلاق لا ينطبق على زماننا لكن خلينا نقول ان الشافعية قالوا - 01:02:54

علة جريان الربا في الذهب والفضة جوهر السماء. ان هم جوهر الاسمان مم وفي وجه عند الشافعية وقول عند الشافعية الاسمان ان هم اثمان. وبناء على هذا الوجه كل ثمن - 01:03:09

كل ما يتخذه الناس سمن يقاس على ايه على الذهب والفضة في فارق بين ان انا اقول غالب الثمانية اول سمانية او جواهر الثمانية

01:03:24 - وبين ان انا اقول الثمانية مطلقا هكذا

لما قالوا جوهر الثمانية يبقى لا يقاس على الذهب والفضة غير الذهب والفضة لما قالوا الثمانية مطلقا يبقى كل ما يتخرze الناس ثمانا

01:03:37 - يقاس على الذهب والفضة يبقى الفلوس اللي في ايدينا تجري فيها علة الربا

طيب خلينا بس ايه نقف وقفه صغيرة هنا. هم. احنا قلنا كده في عيلة جوهرة ثمانية او الثمانية. اه وجهي عند الشافعية وجه. طب لو هي الثمانية ده كده خلاص - 01:03:53

ما فيش خلاف ان هي الفلوس اللي في ايدينا تجري فيها علة الربا زي الذهب والفضة. بالزيط لان هي استبدلت الذهب والفضة بالكامل. مم. من حيس الاداء. الاشكالية ايه بقى - 01:04:03

الاشكالية في الاولانية. مم. ما هو النهاردة العلماء قالوا ان في جوهر الثمانية يعني الذهب والفضة. هم اه هم المعادن الربوية او النقود. النقود هم النقود اللي هي تجري او علة الربا. وان الفلوس - 01:04:13

اول المعادن الاخرى او الاشياء الاخرى اللي بتتخرز. فهنا الباب ده ممكن منه نقول ان اه الفلوس الورقية يعني لا ما هي ما تجريش ازيدك يعني ايه من الشعر بيتا. مم. ان اصلا قول جماهير العلماء - 01:04:31

آآ ان ان الذهب والفضة لا تجري فيها علة الربا لان هم اسمان يعني يعني حتى الشافعية والمالكية اللي لمسوا شوية مع علة الثمانية ها وقالوا جوهر الثمانية ولا الثمانية - 01:04:50

ده عندي الحنابلة والحنفية ما قالوش السمانية اصلا قالوا ايه؟ في المعتمد عند الحنابلة والحنفية قالوا بقى حاجة اسمها ماكيل للجنس وموزون جنس وموضوع كده مش عايزين لكن ما جابوش ايه يعني وان كان ده قول عند عند - 01:05:02

الرواية عند الحنابلة لكن في معتمد مذهبهم لأ ما فيش الا الثمانية ولا جواهر الثمانية. هم. يعني اللي يطلع يقول جمهور العلماء على ان النقود المعاصرة اللي هي النقود الورقية - 01:05:15

لا تجري فيها علة الربا كلامه صحيح اه يا مولانا كلامه صحيح من جهة النقل المذهبى. مم. كلامه صحيح؟ نعم كلام صحيح. لكن هذا لا علاقة له بربا البنوك مش هقول لك بقى ان المجامع الفقهية في في في زماننا انعقد - 01:05:30

آآ يعني قولها على ان النقود المعاصرة تجري فيها علة الربا وان جوهر جريان ان سبب جريان علة الربا في الذهب والفضة الثمانية سيبك من الموضوع ده خالص خلينا ننزل على قولك وان العلة في كون الذهب والفضة اموال ربوية - 01:05:49

ليست الثمانية مم خلاص نزلنا لك آآ يعني على هذا القول. وانا كنت هسألك سؤال بس خلاص بقى بما انك نزلت. خلاص خلينا خلينا نقول للناس ربا البنوك ربا البنوك لا - 01:06:10

قتله بذلك. مم. ليه عندنا في الربا في انواع الربا نعین النوع الاول اسم ربا الديون والنوع الثاني اسمه ربا البيوع اللي هو ربا الفضل وربا التسيئة هو المتعلق بالاصناف الربوية. هو اللي انا محتاج ابحس فيه الصنفين اللي انا ببدلهم ببعض او ببيع احدهما بالآخر ربا ولا مش ربا - 01:06:23

مم اسمه ربا البيوع. هابيع درهم درهم بدينار. اه طعام بطعام اه تم ببر. بيبقى انا محتاج اشوف بقى الصنف ده ربوبي ولا مش ربوبي اللي فات ده على على نوع واحد من على قسم من الربا وهو - 01:06:52

هاربا البيوع. القسم الثاني اللي هو ربا الديون وهو الربا الذي نزل القرآن فيه وبحريمته وهو ربا الجاهلية اللي هو ربا القرض لا علاقة له بكون الصنف ربوبي ولا مش ربوبي اصلا. احنا قلنا في الاول ان حتى لو منفعة. الله يفتح عليك. لأ ده في الزيادة. حتى لو ثوب - 01:07:08

نرجع كده الاجماع ابن عبدالبر انا ليه ذكرت نص اجماع ابن عبدالبر بالذات. مم. لان هو زكر ذلك قال ايه قال اجمعوا على انه لو اقرض رجلا شيئا ثوبا او غيره - 01:07:28

اشترط عليه ان يرده بعد مدة ثوبين او ثوبا من جنسه ومعه غيره شيئا اخر انه ربا بالاجماع الثوب ربوبي ليس صنفا ربوبيا. هم. واضح؟ ومع ذلك لو قال له هديك ثوب وترجعه لي ثوبين ربا بالاجماع - 01:07:43

بالاجماع واضح؟ هم. فكل قرض جر نفعاً مشروطاً فهو ربا. سواء كان هذا القرض صنف ربوبي. من ضمن الاصناف الستة او مما يقاسى عليها او كان غير غير ربوبي ولذلك انا قلت لك ايه ما كانش حد يتصور ان مسل هذا الكلام يقال - 01:08:01

لان هذا لما يقال هو تبليس من قائله لأن قائله يعلم ذلك جيداً لا يفوت عليه ابداً ولا على اي طالب علم ان ان ديل الديون والقروض لا علاقة له بكون الصنف ربا ولا مش ربوبي - 01:08:20

مم يعني لا تفوت وان فاتت تستدرك يعني يعني لو فاتت تستدرك. انما ينزل الشخص يكرر هذا الكلام على مدار سنوات ويرد عليه وينبهه هذا وذاك وغيره من العلماء يردون - 01:08:37

قولوا يا جماعة ده ربا ديون ما تقولوش الكلام ده ويصر على كلامه ده كلام خطير. هم واضح؟ ايوة. فدي شبهة ميتة في مهدها. لكن يعني آآ يعني يعني سامح الله من من نفح فيها الروح. والله المستعان. الله المستعان. طيب دلوقتي اللي فلوسه في البنك نعمل ايه؟ يعني انا دلوقتي حاطط فلوس في البنك التجاري. عرفت سمعت - 01:08:51

الكلام ده وعرفت ان ان عندي مشكلة. وفيه ارباح خدتها. وفيه ارباح خدتها قبل كده. مم. وعندي آآ وما عنديش بدائل استسمار او ما عنديش فكر اعمل ايه في الفلوس دي. طيب هو - 01:09:13

احنا عندهنا في هذه المسألة قول الله سبحانه وتعالى فان تبتم فلكم رؤوس اموالكم لا تزلمون ولا تظلمون. الانسان اللي عنده حتى الان اه حساب ربوبي او حساب في بنك عادي - 01:09:23

وبياخد عليه فوائد آآ وما يسمى بالفوائد او زيادات آآ ربوية. خلاص احنا عرفنا ان هي ربوية. هم. يعمل ايه؟ اول شيء يعمله اول شيء يعمله آآ يوقف هذا الحساب ويحوله لحساب جاري - 01:09:37

تمام؟ كوييس. يبقى المعاملة المحمرة لازم تتوقف. ايه المعاملة المحمرة؟ العقد اللي بينك وبين البنك ان انا هقرضك يا بنك وتدبني زيادة مم. لأن احنا قلنا الايداع بنص القانون المنزم من عمل البنك هو قرض منك للبنك. مم. فده قرض ربوبي انت بتاخذ عليه زيادة. يبقى لازم نوقف معاملة الاقراض الربوي دي - 01:09:52

ونحول البنك الى مكان بيحفظ لي النقود خزنة بحط فيها فلوسي مش مكان انا باقرضه بزيادة. دي اول شيء. تاني شيء حتى لو البنك استعمل الفلوس دي هو خلاص بقى ده موضوعه لكن انا بالنسبة لي انا مضطر او محتاج والحاجة العامة تنزل منزلة الضرورة الى مكان اضع فيه مالي في زمن - 01:10:12

المعاصر لا يستغني احد عن انه يكون عنده حساب آآ بنكي ينزل له عليه مرتبه يتحول له عليه حوالات من اهله من برة يبقى له فيزا الكلام ده كله اه فما فيش مشكلة اعمل حساب جاري - 01:10:32

بدون ارباح بدون فوائد. مم. طيب الفوائد المتراكمة خلاص خد رأس مالك كنت حاطط في البنك مائة الف المئة الف دول جابوا لي آآ مثلاً على مدار الفترة الماضية كلها والسبعين اللي فاتت. جابوا فلوس. آآ صرفت منها على قد ما صرفت ومتبقى عشرين الف - 01:10:46

مم. اللي صرفته انتهت القضية انت غير مطالب به. هم. اللي موجود العشرين الف تتخلاص منها في مصالح المسلمين العامة. وهنا عايز انوه على فتوى انتشرت يعني اه من الزمن انه يقول لك آآ فوائد البنك دي اموال ربوية اموال محمرة. حطها في حمامات المساجد ما تحطهاش في مسجد حطها في حمام المسجد - 01:11:06

او في حاجة زي كده. طبعاً ده كلام آآ يعني اشمعنى الحمام؟ اشمعنى يعني كلام حتى الشيخ علي آآ السالوس آآ رحمة الله كان يعلق على هذا الكلام يقول هذا قال قولنا في الاسلام يعني او قال في الاسلام ما ليس منه. مم. واباح الانتفاع بالاموال الربوية. لأن انت لو شايف ان هذا - 01:11:28

من لا يحل الانتفاع به قل له ارميه في البحر ما تقولوش اعملوا في حمام مسجد. مم. ده كلام متناقض والحق ان هذه الاموال يتخلص منها في مصالح المسلمين العامة. ودقق في كلمة الفقهاء وتخلاصوا منها - 01:11:48

انت مش بتتصدق بها لأن الله سبحانه وتعالى طيب لا يقبل الا طيباً. هذه الاموال جاية منين اموال دي مأخوذة كزيادات ربوية على

ناس افترضت من البنك. هم صح ولا لا؟ صح. ما هو البنك جاب لك الارباح دي منين - 01:12:05

خد الفلوس بتاعة الموديين سلفها لناس وخد منهم زيادة كبيرة خد هو منها جزء كريم حلو واداكي الباقي. يبقى هزه اموال اصلا اموال المسلمين. مم. مأخذة منهم بعقد ربوبي المال المحرم - 01:12:23

المفترض يرجع الى اصحابه لو استطعنا الوصول الى اصحابه. ده الاصل مم. يعني واحد اغتصب ما لا زيد يرجعها لزيد لان زيد معروف زيد مات يرجعها لورثة زيد لم يستطع الوصول لا الى زيد ولا الى ورثة زيد يعمل ايه؟ يتصدق بها عن زيد - 01:12:37
كده واضح لان هنا صاحب المال الحرام معلوم انما لو صاحب المال الحرام غير معلوم زي اموال مأخذة كفوائد ربوية هزه الاموال اصلا مأخذة كزيادات على ناس غير محصورين وغير معلومين. مم - 01:12:59

او اموال اكتسيها الانسان من بيع شيء محرم بيتجار في المخدرات بيتجار في الخمور بيتجار في السجاير تمام؟ كوييس. راقصة بتأخذ اموال من مسل هزه الامور. كسب كما قال ابن القيم كسب الزانية - 01:13:16

وحلوان الكاهن ماشي بيعمل فيها ايه؟ ما لهاش صاحب معلوم. وحتى لو لي صاحب معلوم مش هاروح انا مثلما المرأة التي باعت عرضها بمال تروح تدي الفلوس رجل يعني صاحب الفاحشة. يعني كما قال ابن القيم لا نجمع له الايه؟ الحلوين يعني مش يعني. لا فهل نعمل ايه في الفلوس - 01:13:33

يتخلص منها في صالح المسلمين العامة. ومنها الفقراء والمساكين. هم. ومنها التغور. الصغور يعني يعني الاماكن الضعيفة في بلاد المسلمين التي تحتاج الى ان تتقى تمام؟ زي المستشفيات العامة برضه. مم - 01:13:56

اه منها الغارمين المديونين اللي عليهم ديون. المحتجين مثلا لعمليات جراحية يعطوا هذه الاموال فقراء ومساكين يعطوا هذه الاموال. لا كصدقة لا بنية صدقة ان هذه اموال جمع من المسلمين - 01:14:13

فترد الى شيء ينتفع به جمع من المسلمين. هم. وهذا الكلام مش كلامي ده كلام ابن القيم وكلام النووي وكلام الغزالى قبلهم نصوا على ذلك. هم. واضح؟ هم. فالاموال المحرمة التي لا يعرف لها صاحب بعينه يتخلص منها في هذه الابواب - 01:14:32

حتى اه ان هؤلاء العلماء نصوا نصوا شف الجمال. على ان المتخلص من هذه الاموال لو خرج منها جميرا يعني ايه لو خرج؟ يعني لو من هزه الاموال جميما. مم. كل فلوسه حرام - 01:14:50

هيدتها كلها للفقراء والمساكين وهذه المصادر هي عود هو فقير هو فقير. قالوا يأخذ منها على قدر حاجته لان هو اصبح من ضمن ايه؟ الفقراء. من ضمن الفقراء. يعني من ضمن مصارف هزا المال - 01:15:06

كوييس كده ده في حالة ان هو بعد اما طلع يعني فلوسه كلها حرام فطلعها كلها. اه. لكن لو هو عنده ما يكفيه من الحال خلاص يبقى تخلص من فوائد البنوك. وآآ - 01:15:22

لا ينتفع منها بشيء يتخلص مش يرميها في البحر. يعطيها لفقراء لمساكين لمديونين لناس بتعمل عمليات جراحية. لمستشفي عام مستشفي سرطان الى اخره. هم. مسل هزه الامور. او ويحول حسابه الى حساب جاري فورا - 01:15:32

طيب اه احنا احنا كده كل ده بنتكلم على البنوك التجارية التجارية. او بالضبط البنوك الاسلامية بقى. مم. ايه الفرق بقى ما بينها وبين البنوك التجارية مبدئيا في طريقة العمل - 01:15:49

عشان نعرف اه نقصص كتاب النكتة الاسلامية. البنوك الاسلامية دي مزعل ناس كتير. انت هتزعلي ناس كتير يا شيخ انا عارف ان انت ما بتحبسن موضوع البنوك الاسلامية لا مش ما بحبش - 01:15:59

اصل هي ما فيهاش بحب وما بحبش. ما انا عارف انا بس انا راجل غلبان مش مش متخصص فانا كل شوية اسمع كلام. فبحب اسمع اكتر منرأيي. هاقول لك هاقول لك. هو اولا انا كنت من الداعمين - 01:16:09

جدا لهزه الفكرة قدديما. كوييس آآ البنوك الاسلامية لازم نفهم ان احنا نعيش في عالم احنا جزء صغير منه. وجزء مستضعف منه جزء مستضعف منه وجزء بيحاول ان يستعيد ما كان عليه في وسط عالم متکالب عليه. هم - 01:16:19
البنوك الاسلامية تجربة نشأت من سنوات مر عليها سنوات. النهاردة مسلا اول بنك اسلامي في مصر ممكن يكون عدى عليه ممك

خمسة واربعين سنة ولا حاجة. مم. تمام؟ مم آآ - 01:16:40

وحظيت بدعم وتأييد كثير من علماء المسلمين حظيت بدعم كثير من علماء المسلمين وهؤلاء العلماء شدوا اه اصدر هزه البنوك
ودعموها معنويا وبفتاويهم وباقوالهم ردا من الزمن فترة كبيرة جدا. مم - 01:16:53

لكن النازر في واقع هزه البنوك للأسف يجد ان هي حادت عن السبيل الذي آآ قامت من اجله آآ حيدة ليست بالهيئة وانا هنا بتكلم عن
الواقع المصري مصر فيها تلت بنوك اسلامية كبرى - 01:17:19

آآ او تلات بنوك اسلامية مستقلة يعني مصرفية اسلامية من بابها كده البنك كله من اوله لآخره قائم على المصرفية الاسلامية. اه مش
بنك تجاري وعنه فرع اسلامي تقصد؟ لو ادخلنا البنوك التجارية البنوك - 01:17:37

تقليدية يعني اللي عندها آآ فروع اسلامية او شبكات اسلامية او شبكات معاملات اسلامية يبقى احنا عندنا في مصر اربعناشر بنك اسلامي
حداشر فرع. هم. وعندنا التلاتة المشهورين ابو زبي والبركة وفيصل. هم - 01:17:49

ابو ظبي والبركة كانوا بنوك عادية. وتحولت للمصرفية الاسلامية وفيصل نشا كبنك آآ اسلامي من اول آآ من اول لحظة يعني. مم ايه
مشكلة هذه البنوك؟ لما قامت هذه البنوك كان في اشكاليات شرعية - 01:18:04

اه في عملها. نتيجة الواقع الضاغط نتيجة ان هي جزء اه كيان ناشئ وصغير في وسط مصرفية عالمية كلها قائمة على الربا. هم
نتيجة قوانين بتقييد عملها ونتيجة ان كثير من المعاملات او مش عايزين نستخدم الكثرة والتغلب لكن هنقول بعض المعاملات
الرئيسية عندها - 01:18:23

قائمة في الاصل اما على اقوال ضعيفة او اقوال ملقة او يعني ايه مش قائمة على اقوال فقهية قوية او مؤيدة يعني مذاهب معتبرة
او او حتى كثرة كثيرة من اقوال اهل العلم يعني مسلا مش مذهب الجمهور بتاع تجد قول ضعيف هنا قول - 01:18:47

مرحبا هنا آآ معاملة ملقة لا تخلو من معارضة معارضة علماء معتبرين. مم. يرون عدم مشروعيتها. مم وكانت الفتوى
وقتها على ان آآ يعني حطوا فلوسكم في هزه البنوك وادعموها - 01:19:07

وهي تجربة تستحق الدعم وطهروا جزء من عائد هذه البنوك بنسبة معينة بناء على ان في معاملات هزه البنوك مجردة عليها وفي
معاملات لا تخلو من مآخذ. مم بناء على ان في معاملات ماشية موافقة للشريعة معاملات تانية مش موافقة فبنطلع جزء - 01:19:24

من من الارباح اللي دخلت. مزيوط. مم. طيب آآ الفارق الجوهرى بين البنك المسمى بالاسلامي او المصرفية الاسلامية البنك التقليدي
ايه الفارق الجوهرى والرئيسي طبيعة التعاقد. لازم نركز في دي جدا - 01:19:48

مم في في بنك تقليدي انا عقدي بيني وبينه كمودع هو عقد اقراض كما بينا بنص القانون وفي بنك اسلامي العقد اللي بيني وبينه هو
عقد شراكة في الحقيقة يعني هو اشبه بشركة وفي الحقيقة شركة. هم. او شركة مساهمة. انا مستسمر بادي له فلوس زبي كده
بالضبط. آآ كانوا بيسموها توزيف الاموال - 01:20:06

بس دي تحت رعاية الدولة وتحت آآ رقابة البنك المركزي وامر منزد. وشركات ملزمة ان هي تعلن قوائمهما المالية بانتظام ونحو ذلك.
مم فانا العلاقة بيني وبين البنك انا البنك ده مضارب بالنسبة لي. يعني ايه مضارب؟ يعني واحد انا بدي له فلوسي يشغلها لي -
01:20:32

واديني نسبة من الربح. ده البنك الاسلامي. والربح اللي بيديه لي كنسبة من الربح المتحقق المتحصل.
وان ترجم هو ذلك بناء على دراسات جدوى الى نسبة ايه؟ عائد من رأس المال لكن الاصل - 01:20:52

والعقد انا باخد نسبة من الربح المتحقق. مم. كوييس ده ده الفارق الرئيسي. وده اللي بيجعل معاملة او التعاقد مع هزه
البنوك في حسابات استسمارية مباح في الاصل بخلاف - 01:21:07

الايداع في البنوك التجارية لانه عقد اقراض بفائدة او بزيادة ربوية لكن هل ده كافي؟ لأن ده نص الطريق بمعنى ايه انا ممكن اتفق
معك اتفاق شرعي اقول لك والله انا هديك فلوس تشغله لي والفلوس دي آآ تناجر آآ فيها آآ على الربح والخسارة فاحنا متضامنين
في الربح والخسارة وان - 01:21:23

النسبة بتاعتي هتبقى نسبة من الربح مش من رأس المال. ها. وانت لا تضمن الا بالتفريط. يعني اتفاق شرعي كله. مم. بس انت هتاخد
الفلوس مسلا تتجار في في الدخان - 01:21:48

يبقى نص الطريق هو الاتفاق والعقد بيبني وبينك. النص الثاني انك انت تستعمل هزه الاموال او تتجار بها في شيء مباح. هم لما نيجي
نشوف المنتجات الرئيسية للمصارف الاسلامية الان في مصر هتجد ان احنا عندنا اشكاليات قوية جدا. بدأت - 01:21:59

من سنوات طويلة على فكرة مش جديدة آآ موضوع ازون الخزانة مخزون الخزانة او اوراق الدين الحكومية. الحكومات بتحتاج
احيانا ان هي تستدين من المؤسسات المالية علشان تسد عجز الموازنة عندها او تمول مشروعات عندها او كده - 01:22:21
فتتصدر حاجة اسمها ازون الخزانة. هي عبارة عن قروض قصيرة او متوسطة الاجل. تلات شهور ست شهور ستة بحد اقصى.
كوييس. مم قصيدة قصيرة الاجل وفي اوراق دين حكومية متوسطة الاجل او طويلة الاجل. هم. ازون الخزانة بتعتبر في عرف
المستسمرين - 01:22:42

اه استسمار امن جدا لان انا بسلف الحكومة. طبعا. يعني الموضوع منتهي. مم. تمام آآ بيأخذ فايدة او زيادة على هزا الدين وبعدين
بيستردده كما هو في نهاية المدة المتفق عليها. وفي بعض الاحوال بيستجدوا بزيادة ايضا آآ في اخر مدة متفق عليها. دي ازون
الخزانة. هل ازون الخزانة - 01:23:03

آآ حرام ولا حلال؟ متفقة كلمة المجامع الفقهية على ان دي قروض دفاعية قروض. هي اسمها اوراق الدين. مم. انا بسلف الحكومة
وبأخذ زيادة. ما يعني ازن ازون الخزانة مش محتاجة اجتهاد ولا كده هي اسمها اوراق دين. كوييس؟ كوييس. هل هل البنوك
الاسلامية بتشتغل في ازون الخزانة؟ نعم - 01:23:25

الموضوع بدأ ممكن من مسلا حوالي حداشر اتناسنر سنة كده والنسب في ازيدايات آآ سنة عن اخرى الى درجة مفرزة يعني يعني مسلا
طبعا هي فكرة ان بنك اسمه بنك اسلامي يشتغل في ازون الخزانة دي لوحدها كارسة. لان المفترض انا انا راجل - 01:23:45
عايز اكل حلال خالص عن المعاملة دي. وبعد عن المعاملة بتاعة البنوك التجارية وجاي لك. مم. انت رافع شعار لفz الجلالة او رافع شعار
المصرفية الاسلامية وانك بتعمل وفق الضوابط. فايه اللي دخلك - 01:24:08

الخزانة بعضهم قال احنا مجردين. مجردين بنسبة معينة. انما هزه النسبة تزداد الى هزه الدرجة اللي احنا بشوفها النهاردة. ان بنك
فيصل مسلا بنك فيصل سنة الفين وستاشر آآ نسبة الاستسمار في فنون الخزانة وصلت لحوالي ستة وسبعين في المية - 01:24:23
انا هنا مش بتكلم عن العائد على الاستسمار. انا بتكلم عن نسبة استسماره في ظل خزانة. مؤخرا بقت يعني عاد تقصد ان ستة
وسبعين في المية من الاصول الاستسمارات البنك - 01:24:40

مؤخرا حوالي ستة وخمسين في المية مش بتكلم عن العائد بتاع هزا الاستسمار. العائد بتاع هزا الاستسمار يتعدى التمانين في المية.
يعني تمانين في المية تمانين في المية من عائد البنك الناتج عن - 01:24:54

استسمار في لزوم الخزانة تمام؟ او اكتر من تمانين في المية كمان ده بنك فيصل بنك زي البركة. بنك زي البركة. آآ الفين وسبعيناش
مسلا كان نسبة الاستسمار في حدود تلتاشر في المية - 01:25:08

آآ تمنياشر كان تسعناشر في المية تسعناشر قفزت الفين وتسعناشر قفزت النسبة الى تلاتين في المية عشرين تقريبا كانت اربعين في
المية رجعت نزلت تاني حاجة وعشرين في المية وهكذا. بنك ابو زبي برضه مؤخرا نسبة الاستسمار في لزوم الخزانة بتترواح في
حدود حاجة وتلاتين في المية - 01:25:23

العائد على الاستسمار اكتر مم. يعني العائد على الاستسمار في في بنك البركة في السنوات الاخيرة متوسطه قل ستة وتلاتين في
المية. معنى كده ان انا لما بحط فلوسي في بنك البركة - 01:25:48

في ستة وتلاتين في المية من العائد اللي انا باخده هو ناتج عن ازون الخزانة خزانة بس. ده ازون خزانة بس احنا لسه ما اتكلمناش
عن معاملات اخرى. مم. كوييس؟ لكن انا بدأت بالمعاملة اللي هي - 01:26:00

اه ما فيش خلاف ان هي معاملة محمرة كوييس كده طيب اي بنك اسلامي يكون ستة وتلاتين في المية من عائد حلال البعض بيقول

د هستة وتلتين في المية وممكنا ان احنا نحتمل - 01:26:12

هذه النسبة مم وان آآ يا جماعة فيه نسبة تطهير طلعها وخلاص. هنا فيه نقطتين. النقطة الاولى هو ايه المعيار درهم ربا اشد عند الله اشد عند الله من ست وثلاثين زنية - 01:26:27

كما قال ابن مسعود رضي الله عنه وارضاه تمام؟ درهم الربا الواحد حرام الامر الثاني انا كصاحب مال يحرم علي يحرم علي ان اوكل انسانا في ان يتاجر بماله في محرم - 01:26:44

سواء بالنسبة قليلة او كثيرة. مم يعني انا ما ينفعش اديك فلوسي تتاجر فيها بحاجة حرام وانا عارف ان فيه عشرين في المية من التجارة دي حرام ابتداء ما ينفعش انا اديك الفلوس دي. مم. خلاص؟ - 01:27:00

سؤال التطهير بيتحط هنا غلط يعني مسألة التطهير دي بتتحط هنا غلط. محتاجين آآ من يتكلم في هذه المسائل يفهم ان هناك فارق بين الحكم التكليفي والحكم الوضعي من الحكم التكليفي للمعاملة حرام او حلال. الحكم الوضعي للعائد - 01:27:14

اتخلص منه ولا آآ ده موضوع تاني اظهر منه نسبة كم ده موضوع تاني بمعنى حضرتك النهاردة دخلت في معاملة محمرة وبعدين عرفت ان هي محمرة فحبيت تتوب فجاي تسأل الشیخ يا عم الشیخ انا - 01:27:34

عملت كذا كذا وعندي مسلا من مالي آآ نسبة عشرين في المية من هذه المعاملة المحمرة. اعمل ايه؟ فيقول لك طهر مالك طبع العشرين في المية. هم انما لو انت رايح في البداية تسأله تقول له انا هاخط في صفة. هم. هذه الصفة عشرين في المية منها حرام وهيططلع لي منها عائد عشرين - 01:27:47

منها حرامي هيقول لك حرام من البداية ما تدخلش. مم. واضح؟ فسؤال التطهير هنا محظوظ غلط يعني ما ينفعش اقول له خلاص البنوك دي بتشتغل في ظل الخزانة بنسبة كبيرة - 01:28:08

ما حدش يقول لي حاجة وتلتين في المية نسبة قليلة. النبي صلی الله علیه وسلم قال الثلث والثلث كثير حتى عند المالكية وبعض العلماء لما يحط معيار للكثرة والقلة يختار التلت عشان النبي صلی الله علیه وسلم سماه كثيرا. فالنهاردة آآ يعني اكسر من ثلث العائد حرام - 01:28:19

من الربا الصرف وبعدين تقول لي آآ ده نسبة قليلة تحتمل هزا شيء غير محتمل ولا يليست وظيفتي انا ان انا آآ ادعم البنك بل وظيفتي الاولى ان انا ابلغ شرع الله سبحانه وتعالى - 01:28:36

وانصح الناس بان يكون الحال الطيب وبيتعد عن الحرام هي دي وظيفتي ومش وظيفتي بالمناسبة ان انا اوجد حلولا لا يكلف الله نفسا الا وسعها، انا مش دولة. هم. يعني انا مش دولة. هم. هم. مالية، يعني زمان مسلا اخ طيب كده - 01:28:56

الاخوة الطيبين. سأله الشیخ علي السالوس قال له هو ليه حضرتك ما تعملش بنك اسلامي الاخ الطيب يعني ايه من طيبته هو رابط في دماغه ما بين ان ده عالم متخصص في هزا الباب وما بين ان هو يعمل بنك اسلامي. لا هو عالم وزيفته ان بيبين - 01:29:17

م لكن مش بالضرورة عنده القدرة على انه انه يعمل بنك اسلامي بقى منضبط بالكلام اللي هو بيقوله. مم. ومش وزيفته هو غير مطالب بذلك انا وظيفتي ان انا ابين الحق واقول والله ده حرام وده حلال. من عنده القدرة على تغيير الواقع هو اللي مطالب بذلك - 01:29:34

انا ما عنديش هكتفي بان انا اقول ده حرام وده حلال واضح كده؟ كوييس. ومسألة التلفيق والترقیع احنا شبعنا منها. يعني احنا بقى شبعنا منها. والمفروض نتعلم بقى. يعني يعني السزاقة الجميلة - 01:29:53

او يعني انا بيصعب علي شوية والله مش عايز اقول كلام حد يزعلي مني بس انا بيصعب علي ان احنا ايه نبقي الطرف دايما الطيب اللي هو عم الشیخ الایه الطیب ده - 01:30:06

الناس الطيبة الجميلة اللي بتصدق ما فيش حاجة اسمها هدمع هزه مؤسسات ربحية بالدرجة الاولى. مم انا بالنسبة له كوسط اسلامي او متدين شريحة مستهدفة. انا انا ماركيت بياخد مني حنة - 01:30:20

بعض هؤلاء بيعمل المؤسسة بوجهين يعني في في نشاط البنوك وغيره. يعني تلاقيه عامل آآ مدرسة عادية وفيها اختلاط بين الولاد

والبنات وحفلات موسيقية وبيتاع وعامل مدرسة اسلامية. لان دول زباين انا عايز اخذ منهم شوية. مم. فاهمني؟ ايه اللي يخلي بنوك

ربوية - 01:30:35

اعمل شباك معاملات اسلامية لو هو مقتنع بالمصرفية الاسلامية كان قفل البنك ببنائه. مم لكن انت بالنسبة له آآعميل فدي مؤسسات ربحية بالدرجة الاولى فكون ان هو عمال يعك وعمال يزود في نسبة - 01:30:55

آآالتعامل في في مسل هزه المعاملة. وانا اطلع اقول ايه برضو مش هنتخل عنك. احنا هنفضل ندعمك لان احنا عشمنا فيك كبير. والله انت راجل طيب جدا ما فيش منك يعني، ما انا باكسب في النهاية - 01:31:13

انت مزععني في ايه كده؟ مم. واضح؟ لا ده انت لو عايز تدعمه فعلا ده احنا عندنا الزجر بالهجر عندنا المقاطعة انا من ساعة ما بدأوا يشتغلوا في وزير الخزانة رحت بنك - 01:31:25

معين يعني من هزه البنوك. قلت له حول لي حسابي على طول لحساب جاري. وقف الحساب الاستسماري. قال لي ليه؟ قلت له زول خزانة قال لي عندك حق يعني ما - 01:31:36

هو عارف اووعي قال لي عندك حق كل واحد عمل كده فانت عمل كده تخيل الضغط. مم. على طول اللمة الحمرا هتنور عندهم. مم. انما لأ ده الناس متحملا وعادي وانا بكسب وهو بيأخذ - 01:31:49

مكسبيه يتصدق به هو حر المهم انا بكسب. انا شغال وبكسبي انا مزعلك في ايه كده واضح فلأ مع احترامي ده انا محتاج ان انا اقول له انت كده غلط واستوب - 01:32:02

ويا جماعة المعاملة دي حرام وحول حسابك بعد ازنك لحساب جاري. شيخ علي السالوس اللي كان من اكبر داعمي هزه التجربة وكان رجل في في اللجنة الشرعية في بنك فيصل - 01:32:15

يعني آآقبل موته بسنوات آآ قال فيصل لم يعد بنكا اسلاميا حتى يكف عن المعاملة في ازون الخزانة. وليس له وجه في هذا التآمر انا سألت الدكتور رفيق المصري رحمة الله عليه وهو كان من قباب العالم في المعاملات - 01:32:27

في وجه من قال الشيخ المعين اللي كان على رأس بنك فيصل وقتها ايه وجهه في اباحة التعامل في ظل الخزانة؟ فقال ليس له وجه الا التلقيق بين الشرع والقانون. فانا اقصد ان حتى ما فيش خلاف - 01:32:45

ممكنا نعتبره وجه من الوجوه عشان نتحمله مسألة بينة. مم واضح كده؟ فانا النهاردة عندي بنوك بتعمل بهذه النسب الكبيرة في معاملة محمرة باتفاق. ازاي انا ابيح التعامل فيها؟ مم - 01:33:01

ازاي انصحكم مسلم ان انت تحط مالك فيها وتأخذ ربح وبعدين ارجع اقول لك اطلع من ربحي في بنك فيصل اتنين وتمانين في المية وبعدين واحد يجي يقول لك آآ يعني احسن من آآ من ما فيش. لأ ما فيش احسن - 01:33:17

ليه ما فيش احسن؟ ليه ما فيش احسن؟ ما هو انا مش سايب البنوك العادية ها ورایح لك انت كبنك يعني محدود خلينا نقول بصراحة هزه البنوك بنوك محدودة. مم - 01:33:32

تقصد في في خدماتها؟ خدماتها وفي كل شيء. ايوة. انت بتتكلم في مقارنات يعني انا مش باقل من شأن حد. لكن هنديك مثال مسلا بنك آآبنك فيصل عنده خمسمية وسبعين او خمسمية وتمانين ماكينة صراف الي على مستوى الجمهورية - 01:33:45

البنك الاهلي حوالي ست الاف وسبعمية ماكينة من فوق لتحت. انا انا جاي انا جايب خلي بالك فيصل اللي هو اعلى بنوك الموجودة في العدد مع بنك زي الاهلي. مم. لو قلت مسلا آآبنك زي آآ ابو ظبي - 01:34:00

فمية وستين مكنة ولاعة. مم. ميتين مكنة !! كذلك !! بنك البركة حوالي متيين وعشرين ماكينة يمكن اقل. مم. واضح؟ ليه يعني؟ عدد عدد الفروع بتاعة بنك فيصل في الجمهورية قد عدد فروع بنك الاهلي في اسكندرية - 01:34:15

مسلا واضح ده غير بقى الخدمات اللي يعني يعني بنك من يعني عايز اقول لك هزه البنوك احده هزه البنوك آآ كانت البوسطة وشركات المحمول عملت خدمة ان انت تدفع آآ اونلاين - 01:34:31

عن طريقها وهو لسه يعني هو الفيزا بتاعته ما خلکش تدفع النت. فاهم؟ مم كل من يتعامل في هزه البنوك يعرف ان في نوع من

المشقة او في نوع من الرضا بخدمات اقل - 01:34:48

لكن احنا صابرين علشان الحال. ايوه. فانا جاي لك وصابر ومحمل وبتحسب وبدعمك وبقول مش مهم لكن المهم ان انت بتعمل في الحال وان شاء الله في يوم من الايام هزه البنوك تكبر وتبقى بنوك حقيقة - 01:35:01

وفي المقابل الاقي نفسي ان انت بتاخذني الى معاملات محرمة باتفاق او معاملات على قولين ومبنية على اقوال ضعيفة طب ما البنوك التقليدية هناك من يبيحها انا كده عملت ايه؟ هل مطلوب مني ان انا اعلقها في رقبة اللجنة الشرعية واعلقها في رقبة علي وامشي سالم؟ لو انا لو انا هرضي بهذه القاعدة معك ما انا كنت رضيت بها مع الاخر - 01:35:16

مم فاهمني؟ ايوه. يعني انا وانا هاقول الامر الى الرقابة الشرعية بتاعة البنك انت انت بتعمل بمعاملة الماجامع الفقهية كلها متفقة على حرمتها يبقى الرقابة الشرعية ايه بقى بتاعة البنك؟ جابتها منين الاباحه - 01:35:39

كده قلنا اشكالية ازون الخزانة. ازون الخزانة. حاجة تانية. اه طبعا. المشاكل حاجة زي الطوارق المصرفية التألق المصرفية؟ اه نعم. التورق دي كلمة عند الفقهاء الترجمة السوقية لها في زماننا حرق البضاعة. واحد يحتاج فلوس بيروح يجيب محمول موبايل - 01:35:57

بالاجل بالقسط يعني. باقل من تمنه ويأخذ الفلوس يفك بها زنقته ويبقى يسد القسط بتاع الموبايل. ايوه. اسمه حرق البضاعة عند الفقهاء التورق. التورق الفقهي ده جائز عند الجمهور. لا اشكال فيه. مم. بشرط ان انت تبقى عازم على السداد ما تضيعش فلوس الناس. كوييس كده؟ كوييس - 01:36:15

طيب في حاجة اسمها التوارق المصرفية او البنكى المنزم ان انا يحتاج فلوس فاروح للبنك فيقول لي والله انا ما بدیش قروض انا بنك اسلامي لكننا هديلك اه هعمل حاجة كوييسة. هجيب لك حديد - 01:36:35

او نيك مسلا موجود في مخازن في آآهولندا تمام؟ انت عايز كام؟ انا عايز مليون جنيه خلاص انا هجيب لك شحنة نيك الشحنة دي تمنها مليون ومتين الف تمام؟ حلو. وھبعها لك بالتقسيط او بالاجل - 01:36:57

على سنة وبعدين هتولى بيع هزه الشحنة لان انت مش هتعرف تبيعها. مم. فانا نيابة عنك هبيعها لك خلاص هيجي من من تمن هزه الشحنة انا مش آآما اعرفش ممكن يجي لك اكتر من مليون ومتين الف - 01:37:16

طبعا هزا لم يحدس ولن يحدس. ممكن يجي لك المليون ومتين وممكن يجي لك اقل. المهم ان احنا هنتولى بقى لك واللي هتجيبيه الشحنة هنديها لك كوييس. طيب يا سيدى كتر خيرك - 01:37:35

ايه النتيجة؟ ايه المحصلة؟ المحصلة ان البنك بيديلك بيجيب بيعمل اوراق ولا بيجيب ولا بيعمل هو بيعمل اوراق حضرتك في النهاية بتبقى مدين للبنك بمليون ومتين الف اللي هم تمن الشحنة اللي انت خدتها بالاجل - 01:37:45

وبتاخذ في ايدك مليون جنيه اللي انت كنت عايزهم لان هو لقى مشتري بيدفع الفلوس اللي انت عايزها بالزبط تمام ما شاء الله. طيب ايه اللي حصل كده؟ اللي حصل لان انت خدت مليون وھتسد ايه؟ للبنك مم. التوارق المصرفية ده ماجامع الفقهية - 01:38:02

الكبيرة كلها على حرمته. مجمع الفقه الاسلامي آآ منبثق عن رابطة العالم الاسلامي. المجمع الفقهي الاسلامي منظمة العالم الاسلامي. دور الافتاء الكبيرة دار الافتاء الاردن آآ مجمع فقهاء الشرعية بامريكا - 01:38:20

عامة المعاصرین جمهور المعاصرین على حرمته. ليه لانه غالبا وفي حقيقة الامر هو مجرد حبر على ورق معاملة صورية لا البنك اشتري نيك ولا حضرتك شفت نيك ولا البنك اشتري زيت آآ جوز هند في ماليزيا ولا حضرتك شفت جوز الهند ولا آآ يعني آآ قبضته ولا بعنته ولا اي شيء. انت خدت - 01:38:39

فلوس وھتدفع فلوس اكتر منها ولو المعاملة فيها شبه عدم صورية بالنسبة للبنك فهي يقينا صورية بالنسبة للمتعامل. بالنسبة للمتعامل ما شفشت لا معدن ولا شاف ولا اشتري ولا باع. مم. ولا اشتري - 01:39:03

هو اصلا يعني يقبض السلعة المفروض هنا بقى بيعول على مسلا جواز القبض الحكمي وهو قول معتبر لاهل العلم. مم. ماشي؟ في حاجة زي المعادن مش في زيت جوز الهند جوز الهند طعام لابد ان يقبض. مم. لكن مسلا !! المعادن هناك قول معتبر ان - 01:39:21

نغير المطعوم آآ يجوز ان انت آآ يعني ايه يبقى يخل بینك وبين مجرد التخلية تعتبر قبض حكمي. تمام؟ لكن این الضمان؟ يعني ايه تخلية؟ يعني انا انا بعث لك هذا الشيء وخليت بينك وبينه عايز تيجي تستلمه وتعال استلمه. اه خيرتك يعني. كده اه قبض حكم -

01:39:41

مجامع الفقهية لما قالت هذه المعاملات معاملات صورية ما جابتتش ده من فراغ. هم. من من من - 01:39:58

محاجم الفقهية لما قالت هذه المعاملات صورية ما جابتني ده من فراغ. هم: من من هن - 01:39:58

مستودع من مستودعات خاصة بالشركات اللي بتعامل في بورصات المعادن - 01:40:14

مستودع من مستودعات خاصة بالشركات اللي بتتعامل في بورصات المعادن - 01:40:14

المفترض العبوات دي فيها نيكل نقل هذه العبوات في المستودع. العمال استغريوا من يعني حجمها او وزنها او صوت المعدن جواها فتحوها فلقوا فيها حجارة تمام العبوات دي العبوات دي اجري عليها تسع عقود. زي ما كان الاخبار بتقول وقتها. تسع عقود بمالاين.

01:40:33 - 21 مارس 2024

الكلام كله على الورقة كوبس كده؟ حلو - 01:40:59

حيوا يشكون على بقية المستودع فعملوا يعني شيكوا على بقية المستودع وكده فلقوا آآاربعة وخمسين طن نيكيل

01:41:09 - مفقودین: دول برضو اجری عليهم عقود وهم مش موجودین اصلا -

تمام اریعة وخمسین طن طب دی اول مرة؟ لا مش اول مرة. مم. یعنی دی حتی مش اول مرة. یعنی حصلت حوادس زی کده؟ اه

01:41:22 طبعا يعني في شركة مسلا في جنوب شرق آسيا -

آآ قبليها باسبيع رفعت اتخذت اجراءات آآ قانونية وقضائية ضد واحد مستسمر هندي قاعد في دبي. لانه باع لها اه الف ومية حاوية المفروض ان هم فيهم نيكل عملوا شيكونا على ستة وتلاتين حاوية ما لقوش نيكل في الموضوع بكم؟ بستميت مليون دولار -

01:41:35

ماشي الفين وسبعيناشر البنوك خسرت آآ حوالي تلتميت مليون دولار نتيجة ان هم اكتشفوا ايصالات مزيفة في مستودعات لشركة من الشركات المتعاملة في هزا الامر مستودعات نيكيل برضه ايصالات مزيفة لنيكل مش موجود - 01:41:54

الشركات المتعاملة في هذا الامر مستودعات نيكلا برضه ايصالات مزيفة لنيكل مش موجود - 01:41:54

تمام؟ مم. فده يديك فكرة قد ايه موضوع البيع والشرا في مسل هزه الامور هو صوري وشكلي وبعيد تماما عن واقع البيع والشراء

وعن واقع التورق الفقهي اللي الفقهاء اجازوه. الرجل بيروح يشتري السلعة بنفسه - 01:42:15

يبيقها بيحوزها بتدخل في ضمانه وبعدين بيعها بخلاف الصورة دي البنك آأ يعني يا بيشتري لك او بيع لك واحد بالك وبعدين يبقى نائب عنك هو هو اللي انت اشتريت منه هو هو بيقى نايم معك في بيعها. هم. وفي تواطؤ بينه وبين من سيشتري - 01:42:33

لأنه يهودي والد الله لا يهودي لذا فالله يهودي

التورق المصرفي حرمه المجمع الفقهي والمجامع الفقهية اللي انا زكرتها هتقول لي لأ ده في الشيخ الفلانى اباحه من المعاصبين والشيخ العلانى. ولجنة الرقابة الشرعية في البنك الفلانى وندوة كذا - 01:43:07

على عيني وعلى راسى لكن يبقى ان جمهور المعصبين والمجامع الفقهية المعترضة المستقلة حرمتة.انا مش جاي لك علشان ده مم

يعني اذا مش جاي لك كينك اسلامي ومصرفيه اسلاميه علشان تدخلني في ده - 01:43:23

النهاية هذة المعاملات موجودة اضف الى ذلك اه الخل في في تطبيق التنزير يعني في في معاملات زى مسلا معاملات المراقبة للامر عشان تدخلني في معاملات مشبوهة من الحرام. ده انا كنت يعني كنت متحمل المعاملات المشبوهة دي وباقول بطهر نسبة. هم.

بالشراء انا بروح للبنك - 01:43:40

اشتري لي عربية والقانون بيدي له حق انه يشتري. اشتريها وبيعها لي. فيحصل ان الموزف يعني آآ يعني يتخطى آآ بعض يعني

الاجراءات ظنا منه ان هي شكلية وهي مؤثرة في الحكم الشرعي علشان ينجز حاله - 01:44:00
بالبلدي كده واضح؟ مم. ففي اخطاء اصلا في تطبيق التنزير وفي معاملات مشبوهة زي معاملات الطوارق المصرفي وضفت لي عليها
كمان لزوم الخزانة اللي هي حرام بلا اي اشكال في حرمتها - 01:44:18

مازا بقى لي انا كواحد عايز يأكل حلال عشان اتعامل معك فما تقوليش بلاش آآ احسن من احسن من ما فيش. لأن ما فيش احسن يعني
يبيقى ما فيش احسن. مم. فاهمني؟ واكل حلال وابقى عارف ان هزا الباب مغلق - 01:44:34

افضل من ان انا اجي لك وفي النهاية الاقي نفسي احنا كل ده بنتكلم على ان انا احط فلوسي في البنك كحساب استسماري. كحساب
ارياح. بالزبط كده. الجانب الآخر بقى لو انا رايح عايز - 01:44:50

آآ ذي عقد مسلا شراء آآ سيارة او منزل التمويل الشخصي العادي او التمويل التجاري. اه. لو البنك هي عمله لي بصورة مم. وهقد اتعاقد
معه ومكيف العقد مع خلي بالك لا واحدة واحدة علي. ما تسدها ليش - 01:45:04

يانا انا كنت عرفت برضو او كنا اتكلمنا قبل كده بصراحة في في حلقة في الودكاست عن انه ممكن تروح مع البنك وتفاوض معه
البلوك بالضغط بيتجي. هم فانا لو عرفت اوصل مع البنك - 01:45:24

العقد انا كواحد محتاج تمويل اشتري مسلا سيارة ورحت وآآ قلت اتفق مع البنك اللي هيسلمني السيارة. ما فيش غرامه
تأخير. مم. آآ كل الشروط تمام ما فيش مشكلة. مم. ايه اللي يمنعني من المعاملة دي؟ طيب ما فيش - 01:45:38

لو الأمر هيتم كده بهذه الصورة الجميلة يا ريت. كان زمان بيحصل كده. و كنت بنصح اللي بيروح. واقول له كلمي وانت في البنك.
كويس. جميل؟ هم. اه ان اه ما تمضيش عقد شراء الا لما البنك يوريك مستندات الملكية - 01:45:52

مبسبت فيها لو مسلا سيارة مسببت فيها رقم الشاسيه ورقم الماتور. عشان يبقى سيارة معينة تمام؟ نعرف ان البنك تملك الاول وبعدين
نشتريه يبقى البنك باع ما يملك. خرجنا من بيع ما لم يملك - 01:46:07

و خلي موزف يسلم موزف من البنك يسلمه ما يقولكش رح استلمها من الشركة. وكان بالضغط برضه مش بالضغط خلينا نقول
يعني بالطلب وبالالحاد كان بيتحركوا وبيعملوا كده. هم. اه مع كثرة ازن يعني مع كثرة - 01:46:21

التساهل معهم بقى عاجبك عاجبك مش عاجبك فيه غيرك واقف كتير في الطابور انا كعميل للبنك هيقول لي فيه غيرك؟ آآ بنك مش
هيقول لك كده بس يقول لك لا والله ما بنعملش كده - 01:46:38

مم حضرتك هتروح تستلم من الشركة ماشي انا ما بليغيش شرط كذا ما بقاش يحط غرامه تأخير مسلا. بس بقى يحط الزام بالتبرع.
الزام بالتبرع. دي من الحاجات الاشكالات برضو. يعني موضوع الالزام بالتبرع ده. مم. ده المجمع الفقهي افتى بحرمتها - 01:46:50

مم يعني ده مش حاجة بيعملوها كده ومن يقول بها يقول بها كأنها خالية من الاشكال. لأن المجامع الفقهية افتت بحرمتها. بعض
المعاصرين اباحها اللجان الرقابة الشرعية في البنوك اباحتها لكن المجامع انا لما اقول مجمع فقهي دي كلمة غض يعني كلمة مجمع
يعني الناس ممكن مش عارفة يعني ايه مجمع فقهي لكن مجمع - 01:47:08

فقهي مجمع الفقه الاسلامي رابطة العالم الاسلامي ده بيضم علماء مسلمين من كل حلة في الدنيا والهيئة اللي بتراجع البنوك هيئه
اليوفي مسلا بتضم يعني علماء من جميع انحاء العالم. حيسوا بثقل المجامع ولا ولا حتى يقتربوا لثقل المجامع. منها - 01:47:28

من حيس القوة العلمية من حيس استقلال هزه الهيئات في البحث استقلالها في البحث ودي حاجة مهمة جدا. يعني انا هيئه
مستقلة. انا يعني مش هيئه مش هيئه منبسبة عن منزدات او مؤسسات مالية - 01:47:45

واضح؟ هم. انا مش بطبعن في في نيات او في حد او بقول ان لهم مصلحة او كذا. لكن استقلال الهيئة افتاء والهيئة الشرعية له
اثر بلا شك. على الاقل اسر - 01:48:03

في زيادة المصداقية مم واضح فهل هي مستضافة ان كل مجامع فقهية مسلا الكبيرة على حرمة مسألة الالزام بالتبرع ما هي الالزام
بالتبرع لما يأتي من الدائن هو في النهاية زيادة على اصل الدين الذي حرمه الاسلام واتفق كلمة العلماء على - 01:48:19

وتحريمها اجمعوا على عدم جواز الزيادة على اصل الدين نزير التأخير. ما فيش حاجة اسمها غرامه تأخير اذا كان التأخير في سداد

الالتزامات المالية اذا كان التأخير في سداد دين - 01:48:36

غرامة التأخير او الشرط الجزائي نزير التأخير في سداد دين هو ربا ابو جهل وابو لهب الذي نزل القرآن بتحريمه انت اتأخرت في سداد الدين زاد عليك قد كده اما ان ترضي واما ان ترضي ده مبدأ الجاهلية في الربا. اية. صح؟ هم. فكون ان انا اقول انا خرجت من هذا الباب بان انا بالزمه بالتبوع من اصلا ادراك الحق - 01:48:50

ان انت تلزمك بالتبوع حتى قول المالكية الذي يستندون اليه انه هناك قول عند المالكية بجواز ان يلزم المفترض نفسه بالتبوع المفترض يلزم نفسه انت الدائن لا دخل لك في ذلك - 01:49:14

واضح؟ هم بالإضافة الى ان هناك من اقر بان هذه البنوك خلي بالك البنوك بتقول لك ايه؟ احنا الالزام بالتبوع ده مش بتدخله على حسابات الارباح بيتخلص منه في اوجه البر - 01:49:28

كويس كده؟ وبيزه في الميزانية. جميل. هناك من اقر ومن العلامة الداعمين للمصارف الاسلامية بان بعض هذه البنوك يدخل هذه الزيادات على على على على فلوس البنك على فلوس المودعين والمستثمرين - 01:49:45

اقر بذلك. تمام؟ يعني ايه يدخلها على فلوس يعني ما بيتخلصش منها في اوجه البر ولا حاجة وهناك من من من تحايل وقال والله احنا هنا خد منها جزء مصروفات ادارية علشان احنا آ يعني الراجل ده آ - 01:50:07

يعني اضرينا في مصروفات ادارية جزء من هذه الاموال هيروح للمصروفات الادارية وتنصدق بالحقيقة وبعددين لما تيجي ت Shawf الواقع تلاقي ان اغلب هذه الاعمال راحت مصروفات ادارية. فالبنك خدتها لنفسه في النهاية - 01:50:24

واضح هو انا انا يعني دي ما اقدر اقولها انا مش شايفها قدامي. يعني انا ما هناك من يفحص القوائم المالية ويعرف وهناك من من على اتصال بدوائر الرقابة الشرعية - 01:50:39

هذه البنوك يعني واحد زي شيخ قرة داغي دا راجل يعني اقر بذلك رغم ان هو يقول بجوازها يعني مش هقول لك ان هو ضدتها. ده هو يقول بجوازه. طب بناء عليه - 01:50:50

هو هو يرى جوازها يا رب يتتجاوز الالزام بالتبوع يرى انه مخرج. مم. لكن مع ذلك اقر في مقالة له ان بعض البنوك ادخلت هذه الزيادات على ارباح الامم الماجموع الفقهية لما حرم - 01:51:02

كان مستند تحريمه انه الاجماع على تحريم الزيادة على اصل الدين يشمل هذه الصورة وانه زراعة الى اخذ الزيادة. وده حصل فعلا في الواقع واخروا الزيادة بعض هذه البنوك اخذت الزيادة. فحتى هذه المعاملة ما هياش معاملة خالية من الاشكاليات - 01:51:15
انا اتحمل ان واحد تاني يقول لا والله انا شايفها جائزه بس انا بقى ببص لمشهد كامل يعني بحط كده قدامي المشهد كاملا. مم. وزون الخزانة جنب الطوارق المصرفية المشبوه جمب !! كزا جمب كزا - 01:51:32

ماذا بقى من اسلامية هذه البنوك اه طبيعة التعاقد فقط الاصل في طبيعة التعاقد. وانا وضحت لحضرتك انه طبيعة التعاقد دي نص المسافة. يتبقى انت هتعمل ايه في الفلوس دي؟ كيف ستدير اموالي - 01:51:46

اه التي يعني ايه اه شاركتني اه فيها آ عندنا حكم تكليفي. مهم جدا بقى دي مسألة فاصلة. عندنا حكم تكليفي وعندها حكم الاموال المترتبة على هذه المعاملات. الحكم التكليفي في اصل التعاقد - 01:52:02

معلش انا انا هستطرد في الجزئية دي. سامحني. لأ براحتك آ والناس تسامحني لو اثقلت عليهم. لا بصل يا مولانا افضل. عندنا حديث آ عائشة رضي الله عنها وارضاها لما ارادت ان تشتري بريده - 01:52:21

اصحاب بريدة ملاك بريدة الذين يبيعونها لعائشة رضي الله عنها وارضاها اشترطوا لانفسهم الولاء. الولاء ده يعني ايه؟ لما تعتق عبد يصير ولاء هذا العبد لمن اعتقه ولقوا يعني نصرته - 01:52:37

ولو مات وليس له ورثة انت اللي ترثه ولو انت مت في بعض الاحوال يعني في حاجة اسمها الارث بالولاء. هم. فالولاء ده بتترتب عليه حقوق فارادوا ان يبيعوا بريدة لعائشة رضي الله عنها وارضاها. ويشترطون الولاء لانفسهم - 01:52:57

عائشة قالت للنبي صلى الله عليه وسلم. فقال لها النبي صلى الله عليه وسلم اشترط لي لهم الولاء انما الولاء لمن اعتق في رواية قال لا

عليك او اشتريطي آآآ قال اشتريها اشتريها واشترطي - 01:53:17

فانما الولاء لمن اعتق وصعد المنبر وقال ما بال اقوام يشترطون شروطا ليست في كتاب الله كل شرط ليس في كتاب الله فهو باطل
وان كان مائة شرط كوييس كده؟ مم - 01:53:35

الحاديis ده بيديل على ان الشروط الباطلة حرام وعلى ان الشروط الباطلة مردودة كوييس بعض المعاصرین فهم من هذا الحديث ايه
ان لو الطرف الآخر في المعاملة يشترط شيئا محرما؟ - 01:53:52

او يفعل شيئا محرما ادخل انت في المعاملة واعمل الحال وما اشترطاه هو من حرام فهو باطل يعني ما يضركش. مم. طبعا ده
كلام لا كلام عجيب. ليه؟ انت عارف الحديث ده من ضمن الاحاديس التي استشكلها العلماء حتى بعض - 01:54:13

العلماء رد الحديث الحديث صحيح يعني ورده له مردود. اه نعم. قال لك ازاي النبي صلى الله عليه وسلم يقول لها اشتريطي لهم
الولاء وهو عارف ان الولاء لمن اعتق يعني الولاء لها - 01:54:33

يعني بتخدعهم يعني يعني النبي صلى الله عليه وسلم بيقول لعائشة روحى خدعهم غرري بهم او همهمهم ان انك موافقة وانت في
الحقيقة مش موافقة. ولن تنزلي على شرطهم ده غدر - 01:54:48

النبي صلى الله عليه وسلم منزه عن ذلك. هم. امال معنى الحديث ايه؟ بعض العلماء قال اشتريطي لهم يعني اشتريطي عليهم. وده
اسلوب موجود في اللغة العربية تمام اشتريطي لهم يعني اشتريطي على ايه؟ اشتريطي عليه - 01:55:01

وبعض العلماء قال اشتريطي لهم يعني لا عليك الا تشرطني لهم. يعني اشتريطي او لا تشرطني واضح فانما الولاء لمن اعتق. يعني كده
كده هذا شرط ملغي ثم صعد النبي صلى الله عليه وسلم المنبر وبين آآ انه ملغي. خلاص؟ مم - 01:55:15

فما ينفعش اخد من هزا الحديث جواز الدخول في معاملة محرمة وانا بعمل الصح ما فيش حاجة اسمها كده اتفق الفقهاء على حرمة
تعاطي العقود الباطلة حرمة تعاطي العمر. يعني حرمة ان انا ابرم اجراء باطل اه نعم. حتى لو مش هنفذهها. التعاطي دي بتاعة
التعاطي. الفقهاء يقولوا يعني - 01:55:34

يعني ابرام لا يجوز ان انا ادخل في عقد انا عارف انه محرم. هم حتى حتى الحنابلة اللي قالوا صحة العقد ازا كان مشتملا على
شرط فاسد قالوا صاحب الشرط الفاسد له الخيار - 01:55:58

لما تقول له خلي بالك ده شرط فاسد انا مش هلتزم به. من حقه يفسخ العقد. لان هو دخل العقد ها دخل العقد معتقدا صحة الشرط.
مم ما ينفعش انت يعني تغدر به. مم. لأقل له خلي بالك انا المعاملة دي محرمة - 01:56:14

الشرط ده باطل انا مش هدخل معك في العقد بهذا الشرط تمام. من الباب كده. هم. انما اظهر لك الموافقة وبعدين ابطل المخالفة هذا
حرام هذا غدر من تطبيقات هزا الحديث وهذا الفهم للحديث. بالمناسبة يعني حرمة الكريديت. الكريديت اللي هي البطاقة الغير مغطاة
- 01:56:30 -

او اللي بتديك انك تسحب على المكشوف او اكتر من رصيده او تشتري اكتر من رصيده الكريديت بيشتمل على شرط ربوى. لو
اتأخرت اكتر من كزا كزا يوم بينزل عليك غرامة تأخير او او زيادة. مم. كوييس؟ مم. الشرط ده حرام - 01:56:51

بعض المفتين في زماننا قال لك ايه؟ قال لك طالما مش هتفعل في الشرط يبقى يجوز واصلا ده شرط باطل وحديس بريدة بيقول
كزا كزا والشرط الباطل ايه لأ ما انا ما ينفعش اصلا ابتداء اتفاقي عليه. مم - 01:57:09

ده بقى الفرق بين حكم التكليفي والحكم الوضعي. مم. شرط باطل ده حكم وضعى. الحكم التكليفي انا حكمى ايه؟ حكم فعلى ايه
في هزا التعاقد انا آتم في هذا التعاقد ليه؟ لان تعاقدت على شيء محرم - 01:57:23

والنبي صلى الله عليه وسلم في صحيح مسلم لعن الربا واكله وموكله وكاتبه وشاهديه وقال لهم سواء والله حديس مرعب. جدا اه.
لعن الربا واكله اللي بيأخذ الزيادة الربوية. موكله اللي بيدفع الزيادة الربوية. وكاتبه لا اكل ولا دفع. هم. ده المحاسب اللي
قاعد ده اللي قعد كتب العقد. هم - 01:57:38

وشاهديه شاهدوا على عقد وقال لهم سواء. ده هم سواء. كلهم شركاء في الجريمة. هم سواء في الاسم. مصيبة. واضح كده

فالنهادة اللي بيتعاقد على عقد ربوى ده ويكتب شرط ربوى ده داخل في كتابة الربا وان لم يدفع ربا وان لم يأخذ ربا - 01:58:03
مم. وما ينفعش اتعاقد على الشرط المحرم واقول انا هبقى اعمل انا الصح فكذلك انا ما ينفعش اروح للبنك اقول له يا بنك يا بنك
يا مسمى بنك بنك اسلامي خد فلوس اهي - 01:58:21

اشتغل فيها باخزون الخزانة بنسبة تلاتين في المية وانا هبقى اخد الفلوس واتصدق بها او اتخلص منها او اطهر مالي منها المعاملة
ابتداء حرام. مم. سؤال التطهير لمن اكتشف الحرمة واراد ان يتوب - 01:58:35

انما ابتداء المعاملة محرمة. طب نحط فلوسنا فين؟ حط فلوسك في البنك ده حساب جاري وروح البنك قل لهم انا باحول من حساب
استثماري لحساب جاري علشان ازون الخزانة ولو كل واحد فينا عمل كده هزه البنك - 01:58:50
هتستدرك الامر لان الامر بيستفحلا والامر بيزيدي سنتا اخرى طب آآ البركة السنة دي عن السنة اللي قبلها في زيادة. وان كان زيادة
طفيفة لكن في زيادة. مم. في اخر القوائم المالية بتاعة شهر مارس في زيادة عن السنة اللي فاتت - 01:59:07
مش كبيرة لكن في زيادة. احنا احنا عايزين يبقى في آآ نزول وان لم تخرج منها بالكلية حتى تدريجيا. مم. لحد ما تخرج منها
بالمناسبة كون هذه الاموال توضع في مشروعات قومية وكده - 01:59:23

احنا مش ضد المشروعات القومية لكن هزا لا يخرجها عن كونها ازون خزانة المعاملة اصلا بين البنك وبين الحكومة ايه خزون
خزانة. مم طرد مباشر. البنك بيأخذها الحكومة بتاخدها تحطها فين؟ ده موضوع تاني. مم - 01:59:39

والا فالاستاذ عبدالحميد ابو موسى مثلا محافظ بنك فيصل ما هو من سنين طويلة قال كده الفلوس اوزون الخزانة دي بتتحط في
المشروعات التنموية. على العين والرأس العلاقة ايه بينك وبين المصدرين لهزه الاوزون - 01:59:56
في اعراق علاقة قرض ربوى بيتعمل فيها ايه مش موضوعي بقى والا نفس الكلام ده بيقوله البنك التجاري. البنك التجاري بيقول لك
ايه؟ الفلوس دي احنا بناخددها نعمل بها مشاريع ونحطها في مشروعات كذا ومشروعات كذا وبلد بتسفيد منها - 02:00:13
العلاقة بين المودع وبين البنك ايه؟ احنا بنرد نقول كده. علاقة قرض ربحونا بقى كلنا وغيروا هزه العلاقة. ما تعملها يا سيدى علاقة
استسمار ويبقى بما يرضي الله وتنتهي القضية - 02:00:29

واضح بس ارجو ان احنا كده نكون احنا يعني اجهزنا على الموضوع اللي احنا شرحناه طب انا لا الحمد لله وانا مبسوط ده
بيحب ان الله يرضي عليك. بس اه انا عايز بقى ايه ملخص سريع كده. هم. اه نعمل ايه - 02:00:42
شوفي نعمل ايه دي موضوع بقى هو اولا نعمل ايه في فلوسنا؟ اه. يعني ايه لما نكون عايزين تموين في احتياج للامور؟ هو لما شيخ
او او طالب علم او داعية او او ناصح بيتكلم في هزه المسائل - 02:00:57

ما ينبغي ان احنا نحمله فوق طاقته او نخرج به عن موضوعه بمعنى موضوع هذا الرجل انه يبين الحكم الشرعي مش مستشار مالي
بمعنى ايه اصل ده احنا بنتعرض له يوميا - 02:01:13

اتصل بي آآ كذا كذا لأ حرام. طب اعمل ايه في الفلوس؟ مم. انا مش مستشار المالي رح لمستشار مالي يقول لك تعمل ايه في
فلوسك على حسب بقى انت امكانياتك ومهاراتك وعلاقتك ودائرتك ومبلغك قد ايه وحاجات كتير او. تمام - 02:01:25
لكن هديك قواعد عامة الديك وببرضو مش مطالب ان انا اوجد بديل لان لو مش في استطاعتي ان انا اوجد بديل انا مش مطالب بزي
قلناها مش مطالب بذلك طيب اديك قواعد عامة. اول حاجة - 02:01:42

النبي صلى الله عليه وسلم قال ان الله لا يلوم على العجز وقال ان الله لا يلوم على العجز. حديثين ورد عن النبي صلى الله عليه وسلم.
هم. والحديثين زاهرهم التعارض ان الله لا يلوم على العجز. ده حديث ان الله لا يلوم على - 02:01:58

العجز ده حديث الحديسين في حقيقتهم ان ربنا لا يلوم على العجز الناشئ عن تقصير العبد ولا يلوم على العجز الناتج او او الخارج عن
ارادة العبد. ليس على المريض حرج ليس على الاعرج حرج. ليس على الاعمى حرج - 02:02:12
ليس على العاجز الغير قادر بسبب شيء خارج عن ارادته حرج. انما العجز الناتج عن تقصير الانسان وتفرطيه في حق نفسي وتكاسلته
ده ربنا يلومك عليه فانت ازا كنت ما عندكش سبب حقيقي يمنعك من ان انت - 02:02:30

تعرف تعمل ايه ؟ فده عجز منك الشريعة غير مسئولة عنه يعني ما فيش حاجة اسمها انا معندي فلوس بس انا ما ما بعرفش اشتغل وما بعرفش اتاجر وبتاع وما اعرفش حد امين ما دا عجز منك برضو. يعني انت لا بتعرف تشتغل ولا بتعرف تتجاجر - 02:02:50
ولا تعرف في دائرة معارفك كلها ما فيش حد امين ؟ ده مين المسئول عن ده انت بتحملني ليه مسئولية ده ؟ مم. بتحمل الشريعة ليه مسئولية ده ؟ ده عجز منك يبقى ما تحملش الشريعة عجزك. وحتى لو عندك عجز او عندك جهل في الجزئية دي - 02:03:05
ممكن تستشير حد ؟ تستشير حد تستدرك وهكذا. مم. تمام ؟ لكن لا تحمل الشريعة. مم. نتيجة تقصيرك. واحنا يعني عشان بس ما حدش يفهم الكلمة غلط عجز دي مش مش يعني ده لأننا ما عنديش خبرة ممكن اسميها خبرة. انا عاجز عن في نشاطات كتير وفي 02:03:21 -

يعني وفي تجارات كتير وفي تخصصات كتير انا عاجز عن ذلك. ايوه. هل آآ عاجز عن ذلك نتيجة خلقة في انا لم احاول اصلا هو او لم ارغب. مم. وربما رغبت لكن تكاسلت. مم. واضح ؟ مم. او خفت - 02:03:41
فده موضوع. ايوه. الموضوع الثاني حضرتك عندك فلوس غير قادر على تشغيلها وما تعرفش حد يشغلها ده مش مبرر انك تروح تحطها تاخد منها حرام فيه بقى جزء هنا ممكن البعض يعتقد دروشة لكن هو اصلا غياب الخطاب ده عن خطاب الفتوى ده امر خطير جدا. الفتوى مش آآ اعمل كذا وما تعملش كذا - 02:03:59

الخطاب الایمانى جزء اصيل لا يتجزأ من خطاب الفتوى بمعنى انا كمفتى هقول لك لو انت مش عارف تعمل فيها ايه وتنميهها ازاى كل واشرب منها بالراحة وبالمعروف لحد ما تخلص او انت آآ - 02:04:23

تموت وفلوس هتخلص هعملك ايه يعني انا عندي فلوس ربنا رزقني فلوس مبلغ معين تمام مش عارف انميه هعمل ايه اشتغل بالحرام لا خلاص هاكل واشرب منها طب ولما تخلص اللي رازعك الفلوس جه يرزقك غيرها - 02:04:41

يمكن تموت قبل ما تخلص وقع ويمكن ربنا يفتح لك ابواب قبل ما تخلص. ويمكن لما تخلص ربنا يفتح لك باب تاني. مم انما مش مبرر ان انا بالعكس ده اداء شكر هذا المال ان انت اما تنمييه بالحال وتودي حقه ان كان فيه زكاة - 02:05:03
واما تنفق منه بالمعروف. وتشكر الله على هزه النعمة. مم. انما ما فيش ضرورة ابدا للاقراض بالربا اتفق العلماء ده اجماع على فكرة. اتفق العلماء على ان الربا لا تبيحه الضرورة - 02:05:24

ايه الربا الذي لا تبيحه الضرورة ؟ عشان في خلط هنا الاقراض بالربا لا تبيحه الضرورة اخذ الزيادة الربوية لا تبيحه الضرورة. لأن انت عندك فلوس. هم. فين الضرورة هنا ؟ الضرورة ان انت خايف تخلص - 02:05:41
لأ لما تخلص ربنا هيرزقك لما تخلص انزل اشتغل انت مش مضطر انت معك فلوس. واضح ؟ هم. فما فيش هنا ضرورة ولا حاجة، دي ضرورة مدعاه الربا لا تبيحه بالضرورة. انما الاقراض بالربا - 02:05:55

تبيحه الضرورة. بمعنى واحد هيتسجن لو ما سدش مبلغ معين ولا يوجد عنده ما يبيع لسداد هذا المبلغ ولا يوجد عنده من يقرضه قرضا حسنا لسداد هذا المبلغ ما فيش قدامه غير ان هو يقترض بالربا عشان هيتسجن ده ضرورة تبيح له الاقراض بالربا لكن لازم يعرض حالته على - 02:06:12

والمفتي يقدر هل دي ضرورة ولا لأن؟ هل عنده مخرج مباح ولا لأن وبعدين يفتيه. مم. مش قاعدة عامة. لأن. دي دي لأن كلمة ضرورة فيها توسع. مم. اصلا في استخدام كلمة الضرورة عند الناس يطلقوا كلمة - 02:06:33
على على حاجات ممكن تكون هي من الكماليات اصلا ايوه ما وصلتش حتى انها تكون احتجاجك ؟ اه نعم. مم. آآ انسان عايز يعمل عملية جراحية خطيرة. بتهدد حياته او بتهدد عضو من اعضائه او هتزيد من مرده - 02:06:48

لو ما عملهاش وما عندوش مال وما عندوش من آآ يقرضه الى اخره. فهيففترض من البنك تمن العملية دي. الاقراض قد تبيحه الضرورة انما الاقراض بالربا لا تبيحه الضرورة ده انت غني ده انت عندك فلوس بتقرضها. مم. فين الضرورة عندك ؟ مم. واضح كده ؟ مم. فاللي معه اللي مش عارف يعمل ايه يستشير بقى مستشاره المالي - 02:07:02

وهو يفتي في بابه يعني انا بشوف برضو الفكرة يعني لو احنا ادركتنا ان المال اصلا مال الله سبحانه وتعالى واحنا مستخلفين عليه

لو احنا النزرة دي ان الفلوس دي مش اللي معك مش فلوسك اصلا. انت مجرد رينا اداها لك قال لك تتصرف بها - [02:07:25](#)
واحد اتنين ثلاثة اربعة. نعم. فالامور هتبقى ابسط واسهل من كده. صحيح جزار الله خيرا يا شيخ. الله بيارك فيك شيخ ما تحرمنيش
منك بس اتأخرت علينا على فكرة اتأخرت علينا. كله باوانه. كله باوانه. ان شاء الله. ان شاء الله. ماشي رينا بيارك - [02:07:44](#)
الله يرضي عليك يا رب. الله يحفزك يعني اسأل الله ان يطب مطعمي واياك. امين. اكل الحلال اكل الحلال وتحرري اكل الحلال من
افضل ما يتقرب به العبد الى الله سبحانه وتعالى - [02:07:59](#)

ومن افضل ما يدخله الانسان لالا انسان لاولاده. مم لا سيما في زمن تكثر فيه الشبهات. وآلو الانسان قرأ في باب الزهد وفي باب ورع
العلماء كيف كانوا يتحرون الحلال - [02:08:12](#)

عجب عجب اه اقرأ كده في سيرة النبوة او ابن مبارك او غيره. هتجد عجب العجب. فاحنا مش عايزين نصل يعني مش عايزين
نقول اه ان احنا بنحث الناس على - [02:08:25](#)

يعني هذا الورع الشديد الذي لا يحتمل واقع كثير من الناس. الجهد بقى وسیب الدنيا وتدروش والكلام ده. لكن احنا احنا بنتكلم في
مسائل عليها فتوى اكسر العلماء الكبار الثقات في زماننا. يعني هذا ليس من باب الورع ولكن من باب الترک الواجب. هم. ومن ترك
شيئا لله عوضه الله خيرا منه تحقيق - [02:08:35](#)

لا تعليقا وده شيء مجريب وشيء مشاهد والله سبحانه وتعالى لا يجرب. اسأل الله ان يطب مطعمي واياك واياكم. امين. ورينا يجمعنا
واياكم في الجنة يا رب. جزار الله خير. جزار الله خير. اللهم وبحمدك. سبحانه - [02:08:59](#)
اشهد ان لا اله الا انت استغفرك واتوب اليك. جزار الله خيرا الله يرضي عليك - [02:09:13](#)